

---

## WANGEELA YOHAANNISI

---

### Dubbiin Foon Ta'uu Isaa

**1** Jalqabatti dubbiittu ture; dubbichis Waaqayyo wajjiin ture; dubbiin sunis Waaqayyo ture. <sup>2</sup>Innis jalqabatti Waaqayyo wajjiin ture.

<sup>3</sup>Wanni hundinuu isaan uumame; waan uumame hunda keessaas wanni isaan malee uumame tokkoyyu hin turre. <sup>4</sup>Jireenni isa keessa ture; jireenni sunis ifa namootaa ture. <sup>5</sup>Ifti sun dukkana keessatti ni ibsa; dukkanichis isa hin moo'anne.

<sup>6</sup>Nama Waaqayyo biraa ergame kan maqaani isaa Yohaannis jedhamu tokkottu ture. <sup>7</sup>Innis akka namni martinuu amanuuf dhuga-baatuu<sup>a</sup> ta'ee waayee ifichaa dhugaa ba'uuf dhufe. <sup>8</sup>Waayee ifa sanaa dhugaa ba'uu dhufe malee inni mataani isaa ifa hin turre. <sup>9</sup>Ifichi inni dhugaani nama cuafaaf ifa kenu sun gara biyya lafaa dhufaa ture.

<sup>10</sup>Inni biyya lafaa keessa ture; biyyi lafaa isaan uumame; biyyi lafaa garuu isa hin beenne. <sup>11</sup>Innis gara biyya isaa dhufe; sabni isaa garuu isa hin simanne. <sup>12</sup>Warra isa simatanii maqaa isaatti amananiif garuu ijoollee Waaqayyo akka ta'an mirga kenneef. <sup>13</sup>Isaanis Waaqa irraa dhalatan malee dhiiga irraa yookaan fedhii foonii irraa yookaan fedhii dhiiraa

irraa hin dhalanne.

<sup>14</sup>Dubbiin foon ta'e; innis ay-yaanaa fi dhugaadhaan guutamee nu jidduu jiraate. Nus ulfinna isaa, ulfinna ilmi tokkichi Abbaa biratti qabu argineerra.

<sup>15</sup>Yohaannisis waayee isaa dhugaa ba'e; sagalee<sup>b</sup> isaaas ol-fudhatee akkana jedhe; "inni kun isa ani waayee isaa, 'inni na duubaan dhufu na caala; inni na dura tu-reetii' jedhe sanaadha. <sup>16</sup>Guutama isaa irraas hundi keenya ayyaana irratti ayyaana arganneerra. <sup>17</sup>Seerri karaa Muuseetiin kennameetii; ayyaannii fi dhugaani garuu karaa Yesuus Kiristoosiiin dhufe. <sup>18</sup>Eenyuyyu takkumaa Waaqa hin argine; garuu ilma isaa tokkicha isa Abbaa isaa bira jiru sanattu isa beessise.

### Yohaannis Cuuphaan Akka Ufii Isaatii Kiristoos Hin Ta'in Dubbate

<sup>19</sup>Yommuu yihuudonni lubootaa fi Leewota Yerusaalemi Yohaannisitti organii, "ati eenu?" jedhanii gaafachiisanitti dhuga-ba'umsi Yohaannis kenne akka kanaa gaditti jiruu dha; <sup>20</sup>Innis, "ani Kiristoosii miti" jedhee muldhinnaan dhugaa ba'e malee dhugaa ba'uu hin dhiifne.

<sup>a</sup>7ykn dhugeessituu /rageessituu,

<sup>b</sup>15 ykn qoonqoo /qoonqa

<sup>21</sup>Isaanis, "yoos ati eenyu ree? Eliyaas moo?" jedhanii isa gaafatan.

Innis, "ani isaa miti" jedhee deebiseef.

Isaanis, "yoos ati raajichaa<sup>c</sup> ree?" jedhaniin.

Inni immoo, "lakkii<sup>d</sup>" jedheen.

<sup>22</sup>Isaanis, "ati eennu ree? akka warra nu ergetti himnuuf ati waayee kee maal jetta?" jedhaniin.

<sup>23</sup>Yohaannisis deebisee, "akkuma Isaayyaas raagichi dubbate sana ani qoonqa nama lafa onaa<sup>e</sup> keessaa, 'gooftaaf karaa qajeel-chaa' jedhee iyyuu ti" jedheen.

<sup>24</sup>Fariisonni ergaman tokko tokkos, <sup>25</sup>Akkana jedhanii isa gaafatan; "ati erga Kiristoos yoo-kaan Eliyaas yookaan raagicha ta'u baattee maaliif cuuphxa ree?"

<sup>26</sup>Yohaannis ammooakkana jedhee deebiseef; "ani bishaaniin nan cuupha; namni isin hin beenne tokko garuu isin jidduu dhaabatee jira. <sup>27</sup>Innis isa na duubaan dhufuu dha; hidhaa kophee isallee hiikuuni naaf hin malu."

<sup>28</sup>Kun hundi Yordaanos gama bakka<sup>f</sup> Yohaannis itti cuuphahaa Biitaaniyaa keessatti ta'e.

### Yesuus Hoolaa Waaqayyoo

<sup>29</sup>Guyyaa itti aanutti Yohaannis otoo Yesuus gara isaa dhufuu argeeakkana jedhe; "ilaa hoolaa Waaqayyoo kan cubbuu biyya lafaa irraa fuudhu! <sup>30</sup>Inni ani,

'inni na duubaan dhufu na caala; inni na dura tureetii' jedhee waayee isaa dubbade sun isa kana. <sup>31</sup>Ani mataani kiyayyuu isa hin beenne ture; sababiini ani bisaaniin cuuphaha dhufeef garuu akka inni saba Israa'eliitti muldhifamuuf."

<sup>32</sup>Itti fufees Yohaannisakkana jedhee dhugaa ba'e; "Ani otoo hafuurri akka gugeetti<sup>g</sup> samii irraa gadi bu'ee isa irra qubatuun arge. <sup>33</sup>Inni akka ani bisaaniin cuuphuuf na erge sun 'namichi ati otoo hafuura gadi bu'ee isa irra qubatuu argitu, sun, isa hafuura Qulqulluudhaan cuuphuu dha' jedhee otoo natti himuu baate aniyuuu isa hin beeku ture. <sup>34</sup>Anis argeera; akka inni ilma Waaqayyoo ta'es dhugaa ba'eera."

### Barattoota Yesuusi Warra Jalqabaa

1:40-42 Kwf ⇒ Mat 4:18-22; Mar 1:16-20; Luq 5:2-11

<sup>35</sup>Guyyaa itti aanutti Yohaannis barattoota isaa keessaa namoota lama waliin dhaabachaa ture.

<sup>36</sup>Innis otoo Yesuus achi irra dabruu argee, "ilaa hoolaa Waaqayyoo!" jedhe.

<sup>37</sup>Barattoonni lamaan isaa waan kana dubbatu dhagayanii Yesuusin hordofan. <sup>38</sup>Yesuusis gar-galee ilaalee isa hordofuu isaanii

<sup>c</sup>23 ykn raaga sunii; <sup>d</sup>21 ykn hiyyoo;

<sup>e</sup>23 ykn aloo/ hadiyyoo; <sup>f</sup>28 ykn fulaa;

<sup>g</sup>32 ykn saphaliisaatti/handarititi

argee, "isin maal barbaaddu?" jedheen.

Isaanis, "rabbii, eessa jiraatta?" jedhaniin. Rabbii jechuuni bar-siisa jechuu dha.

<sup>39</sup>Innis, "koottaa ilaala" jedheen

Isaanis dhaqanii eessa akka inni jiraatu argan; gaafa sanas isa wajjiin oolan; yeroon sunis gara sa'atii kudhanii ture.

<sup>40</sup>Warra waan Yohaannis dubbate dhagayanii Yesuus faana bu'an keessaa inni tokko Indiriyas obboleessa Simoon Pheexiroosi ture. <sup>41</sup>Innis duraan dursee obboleessa isaa Simoonin argatee, "nu Masiihii arganneerra" jedheen; Masiihii jechuun Kiristoos jechuu dha. <sup>42</sup>Indiriyasis Simoonin gara Yesuusitti fide.

Yesuusis isa ilaalee, "ati Simoon ilma Yohaannisi Keefaa jedhamtee ni waamamta" jedheen. Keefaa jechuuni Pheexiroos<sup>h</sup> jechuu dha.

#### Yesuus Filipoosii Fi Naatinna'elin Waamuu Isaa

<sup>43</sup>Yesuusis guyyaa itti aanutti Galiilaan dhaquu barbaade; innis Filipoosin argee, "na hordofi" jedheen.

<sup>44</sup>Filipoosis akkuma Indiriyasii fi akkuma Pheexiroosi nama magaalaa<sup>i</sup> Beet-Sayidaa ture.

<sup>45</sup>Filipoos Naatinna'elin argee, "isa Muuseen kitaaba seeraa kees-

satti waayee isaa barreesse fi issa raagonnis waayee isaa barreesan, Ilma Yooseefi, Yesuus nama Naazireeti arganneerra" jedheen.

<sup>46</sup>Naatinna'elis, "Naazireet keessaa wanni gaariin bawuu ni danda'aa?" jedhee gaafate.

Filipoosis, "koottuu ilaali" jedheen.

<sup>47</sup>Yesuusis otoo Naatinna'el gara isaa dhufuu argee, "ilaa, nama Israa'eli isa dhugaa, kan sobni keessa hin jirre" jedhee waayee isaa dubbate.

<sup>48</sup>Naatinna'elis, "ati eessatti na beetta?" jedhee gaafate.

Yesuusis, "ooto Filipoos si hin waamin dura yeroo ati muka harbuu<sup>j</sup> jala turtettin si arge" jedheen.

<sup>49</sup>Naatinna'elis, "yaa barsiisaa, ati ilma Waaqayyoo ti! ati mootii Israa'eli" jedheen.

<sup>50</sup>Yesuusis akkana jedheen, "ati sababii ani muka harbuu jalatti si arge siin jedheef amantaa<sup>k</sup>? Waan kana caaluyyuu arguuf jirta."

<sup>51</sup>Innis itti ida'ee, "ani dhuguman isiniin jedha; samiin banamee otoo Maleekkonni Waaqayyoo ilma namaa irra ol-ba'anii gadi bu'anuu ni argitu" jedheen.

<sup>h</sup>42 afaan Arama'ikkiitiin keefaa, afaan Girikkiitiin Pheexiroos jechuuni qarsaa jechuudha; <sup>i</sup>44 ykn dira; <sup>j</sup>48 ykn odaa; <sup>k</sup>50 ykn dhugeeffattaa

**Yesuus Bishaani Gara Daadhii  
Wayiniitti Jijiiruu Isaa**

**2** Guyyaa sadaffaatti kutaa Biyya Galilaa magaalaa<sup>1</sup> Qaanaa keessa jila<sup>m</sup> fuudhaa fi heerumaattu ture; Haatii Yesuusiis achi ture. <sup>2</sup>Yesuusiif barattoonni isaa gara jila sanaatti waamamanii turan. <sup>3</sup>Yommuu Dadhiini wayinii dhumetti haatii Yesuusi, "jarri dadhii wayinii hin qaban" isaan jette.

<sup>4</sup>Yesuusis deebisee, "dubartii-nana! maal godhi naan jetta? Yerooni koo ammallee hin geenyee" jedheen.

<sup>5</sup>Haati isaas tajaajiltootaan<sup>n</sup>, "waan inni isinitti himu mara godhaa" jette.

<sup>6</sup>Gaaniiwwan dhagaa ja'a sirna<sup>o</sup> qulqulleessu Yihuudotaatiif achi dhaabamanii turan; tokkoon tokkoon isaaniis gara liitiroo 75 hanga 115 qabata ture.

<sup>7</sup>Yesuus tajaajiltootaan, "gaaniiwwanitti bishaan guutaa" jedhe; isaanis hanga afaan gaaniiwwaniitti guutan.

<sup>8</sup>Innis, "egaa budduussaati abbaa cidhaatti kennaa" jedheen.

Isaanis akkasuma godhan. <sup>9</sup>Abbaan cidhaas bishaan gara daadhii wayiniitti jijiirame sana dhandhamatee ilaale; daadhiini wayinii sun eessaa akka dhufe

tajaajiltoota bishaan waraabaniittu beeka malee abbaan cidhaa sun hin beeku ture. Innis dhiirma misirroop<sup>p</sup> kophatti waamee, <sup>10</sup>Akkana jedheen; "namni cufti daadhii wayinii isa gaarii jalqabatti dhiyeessee, eegii keessumoonni quufanii booddee immoo daadhii isa laafaa dhiyeessa; ati garuu daadhii gaarii hanga ammaatti tursite."

<sup>11</sup>Yesuus milikkitoota<sup>q</sup> isaa keessaa isa jalqabaa kana biyya Galilaa keessatti magaalaa Qaanaatti hojjate; ulfinna isaas ni muldhise; barattoonni isaas isatti amanan.

**Yesuus Mana Qulqullummaa  
Qulqulleessuu Isaa**

*2:14-16 Kwf ⇒ Mat 21:12,13; Mar 11:15-17; Luq 19:45, 46*

<sup>12</sup>Kana booddee haadha isaa, obboleeyyan isaatii fi barattoota isaa waliin Qifirnaahomitti gadi bu'e. Isaanis bultii gabaabduu achi turan.

<sup>13</sup>Yesuusis waan faasikaan Yihuudotaa dhiyaateef Yerusaalemitti ol-ba'e; <sup>14</sup>Mana qulqullummaa keessattis warra sangoota, hoolotaa fi gugeewwan<sup>r</sup>

<sup>1</sup> ykn *dira*; <sup>m</sup>1 ykn cidha; <sup>n</sup>5 ykn *hojjat-tootaan/ gololchituun*; <sup>o</sup>6 ykn *aadaa*; <sup>p</sup>9 ykn *Abbaa fuudhaa*; <sup>q</sup>11 ykn *milik-keetota/malkatoota*; <sup>r</sup>14 ykn *saphaliisa/handarii*

**2:1 Cidha fuudhaafi heerumaa -** Cidhi (jiltii) fuudhaafi heerumaa torban tokko guutuu fudhata ture.

gurguranii fi warra horii wal-jijiiran arge.<sup>15</sup> Innis qaccee quncee dha'atee sangoottaa fi hoolota hundumaa mana qulqullummaa keessaa ari'e; horii warra beesaa jijiiraniis bittinneesse; minjaala<sup>s</sup> isaanis ni garagalche. <sup>16</sup> Warra gugee gurguraniinis, "kana hundumaa asii baasaa! Mana Abbaa kiyyaa mana daldalaa hin godhinaa!" jedhe.

<sup>17</sup> Yeroo kana barattoonni isaa, "hinaaffaan mana keetii na gug-guba" jedhamee akka barreffame qaabatan.

<sup>18</sup> Yihuudonnis deebisanii, "kana cufa hojjachuuf akka aangoo<sup>t</sup> qabdu mirkaneessuuf milikkita maalii nutti agarsiifta?" jedhaniiisa gaafatan.

<sup>19</sup> Yesuusis, "isin mana qulqullummaa kana diigaa; ani immoo guyyaa saditti deebisee nan ijaara" jedheen.

<sup>20</sup> Yihuudonnis deebisanii, "mana Qulqullummaa kana ijaaruuni waggaafur tamii ja'a fudhate; ati immoo guyyaa sadii keessatti ijaartaa?" jedhaniin. <sup>21</sup> Manni qulqullummaa kan inni waayee isaa dubbate sun garuu nafa isaa ti. <sup>22</sup> Eega inni du'aa ka'ee booddees barattoonni isaa waan inni dubbatee ture sana yaadatan; isaanis kitaabaa fi dubbii Yesuus dubbate amanan.

<sup>23</sup> Yeroo inni ayyaana Faasi-kaatiif jedhee Yerusaalem turetti namoonni baay'eeni milikkita inni hojjate arganii maqaa isaatti

amanan. <sup>24</sup> Yesuus garuu waan nama hunda beekuuf, amanee isaanitti of-hin kennine. <sup>25</sup> Akka namni tokkoyyuu waayee namaa isaaf dhugeessu isa hin barbaachifne; inni waan nama keessa jiru beeka tureetii.

### Yesuus Niqoodimoosin Barsiisuu Isaa

**3** Fariisota keessas namicha Niqoodimoos jedhamu bulchaa Yihuudotaa tokkottutre; <sup>2</sup> Innis halkaniin Yesuus bira dhaqee, "yaa barsiisaa, ati barsiisaa Waqa biraahuf akka taate nu beenna; nama Waaqni isa waliin jiru malee namni milikkita ati hojjattu kana hojjachuu danda'u tokkoyyuu hin jiruutii" jedheen.

<sup>3</sup> Yesuusis deebisee, "ani dhuguman sitti hima; namni yoo lammata dhalate malee mootummaa Waaqayyo arguu hin danda'u" jedheen.

<sup>4</sup> Niqoodimoosis, "namni erga dulloomeen duubatti akkamitti dhalachuu danda'a? Dhalachuu jedhee lammata garaa<sup>u</sup> haadha isaa keessa seenuu danda'aa?" jedhee gaafate.

<sup>5</sup> Yesuusis akkana jedhee deebiseef, "ani dhuguman sitti hima; namni bisaanii fi Hafuura Qulqulluu irraa dhalachuu baannaan mootummaa Waaqayyootti galuu hin danda'u. <sup>6</sup> Kan foon irraa dhalate inni foon; kan Hafuura irraa dhalate garuu Hafuura.<sup>7</sup> Isa ani, 'ati lammata

<sup>s</sup>15 ykn gabatee/miiljaloo; <sup>t</sup>18 ykn guddinna; <sup>u</sup>4 ykn gadameessa/saaba

dhalachuu qabda ' siin jedhe hin dinqifatin<sup>v</sup>. <sup>8</sup>Qilleensi gara fedhetti qilleensa'a; atis huursuu isaa dhageetta malee akka inni eessaa dhufee fi akka inni garamitti deemu hin beettu; Namni Hafuura irraa dhalate hundinuuus akkanuma."

<sup>9</sup>Niqoodimoosis, "kun akkamitti ta'uu danda'a?" jedhee gaafate.

<sup>10</sup>Yesuusis accana jedhee deebiseef; "ati otoo barsiisa Israa'eli taatee jirtuu waan kana hin beettuu? <sup>11</sup>Ani dhuguman sitti hima; nu waan beennu dubbanna; waan argines ni dhugeessina<sup>w</sup>; isin garuu dhugeessuu keenya hin fudhattan. <sup>12</sup>Yommuu ani waayee waan biyya lafaa isinitti himu erga hin amanne, yommuu ani waayee waan samii irraa isinitti himu akkamitti amantu ree? <sup>13</sup>ilma namaa isa samii irraa gadi bu'e malee eennuuyuu samiitti ol hin baane. <sup>14</sup>Akkuma Muuseeni lafa aloo<sup>x</sup> keessatti bofa fannise sana ilmi namaas fannifamuu qaba. <sup>15</sup>Kunis akka namni isatti amanu cufti jirenya barabaraa qabaatuuf.

<sup>16</sup>Akka namni isatti amanu marti jirenya barabaraa qabaatuuf malee akka hin banneef, Waaqayyo hanga ilma isaa tokkicha kennutti akka malee addunyaa jaalateeraatii. <sup>17</sup>Sababiini Waaqayyo ilma isaa gara biyya lafaatti ergeef, biyya lafaatti muruuf otoo hin ta'in, karaaa ilma isaatiin biyya lafaa fayyiisuuf. <sup>18</sup>Nama isatti amanuttii

hin muramu; kan isatti hin amanne garuu waan inni maqaa tokkicha ilma Waaqayyootti hin amaniniif ammumayyuu itti murameera. <sup>19</sup>Murtiin sunis isa kana; ifni gara biyya lafaa dhufe; namoonni garuu waan hujin isaanii hamaa tureef ifa caalaa dukkana jaalatan. <sup>20</sup>Namni waan hamaa hojjatu hundinuu ifa jibba; akka hujin isaa ifatti hin baaneefis gara ifaa hin dhufu. <sup>21</sup>Namni dhugaa hojjatu hundinuu garuu akka hujin isaa Waaqayyoon hojjatamuuni isaa muldhatuuf gara ifaa dhufa."

### Yohaannis Cuuphaan Waayee Yesuusi Dhugaa Ba'uu Isaa

<sup>22</sup>Kana booddee Yesuusii fi barattooni isaa gara biyya Yihuudaa dhaqan; innis isaan wajjiin achi ture; ni cuuphas ture. <sup>23</sup>Yohaannisis naannoo Saalemi bakka<sup>y</sup> Heenoon jedhamutti ni cuupha ture; bishaan baay'een achi ture; Namoonnis achi dhaqanii cuuphamu turan. <sup>24</sup>Kunis otoo Yohaannis mana hidhaatti hin galfamin ta'e. <sup>25</sup>Yommus barattoota Yohaannisiitii fi Yihuudii tokko jidduutti waayee sirna<sup>z</sup> qulquelleessuu irratti wal-mormiin uumame. <sup>26</sup>Isaanis Yohaannis bira dhufanii, "yaa barsiisa, namichi sii waliin

<sup>v</sup>7 ykn hin maadeffatin /hin ajaa'ibsiifatin; <sup>w</sup>11 ykn dhugaa-baana/rageessina; <sup>x</sup>14 ykn onaa; <sup>y</sup>23 ykn fulaa; <sup>z</sup>25 ykn aadaa

Yordaanos gama ture, kan ati waayee isaa dhugaa baate sun kunoo cuuphuutti jira; namni cuftis gara isaa dhaquutti jira" jedhaniin.

<sup>27</sup>Yohaannesis akkana jedhee deebise; "namni waan samii irraa isaaaf kenname qofa fudhachuu danda'a, <sup>28</sup>ani Kiristoosii miti; garuu isa dura nan ergame' jedhee akka ani dubbadhe isin mataan keessaniyyuu dhugaa naa baatu. <sup>29</sup>Misirroomi<sup>a</sup> tan dhiirsa misirrooti; miinjeeni<sup>b</sup> inni dhiirsa misirroo tajaajiluu fi isa dhageeffatu, yommuu sagalee<sup>c</sup> dhiirsa misirroo dhaga'utti akka malee gammada; gammachuuni sun kan kooti; gammachuuni koos amma guutuu ta'eera. <sup>30</sup>Inni guddachuu qaba; ani immoo diqqaachuu qaba.

<sup>31</sup>Kan olii dhufu inni waan hundumaa oli; inni lafaa immoo kanuma lafaa ti; waanuma lafaa dubbatas. Inni samii irraa dhufu garuu waan hundumaa oli. <sup>32</sup>Inni waan argee fi waan dhaga'e rageessa; ragaa isaa garuu eenyuyyuu hin fudhatu. <sup>33</sup>Namni ragaa kana fudhates akka Waaqayyo dhugaa ta'e mallatoodhaan<sup>d</sup> mirkaneesesse. <sup>34</sup>Inni Waaqni erge dubbii Waaqaa dubbata; Waaqnis safara<sup>e</sup> malee Hafuura isaa nikennaati. <sup>35</sup>Abbaan ilma ni jaalata; waan cufas harka isaatti kenneera. <sup>36</sup>Namni Ilmatti amanu jireenna barabaraa qaba; namni ilmatti hin amanne garuu

dheekkamsa Waaqayyoottu isa irra jiraata malee jireenna hin argu.

### Yesuusiifi Dubartii Samaariyaa Tokko

**4** Fariisonni akka Yohaannisin caala Yesuus Barattoota baayyifachaa, cuuphaas ture dhagayan. <sup>2</sup>Ta'us barattoota isaattu cuuphaa ture malee Yesuus ufii- saatii hin cuuphne. <sup>3</sup>Gooftaanis yommuu waan kana beeketti Yihuudaa dhiisee ammas Galiliaatti deebi'e.

<sup>4</sup>Innis Samaariyaa keessa dabruu qaba ture. <sup>5</sup>Kanaaf gara magaalaa<sup>f</sup> Samaariyaa kan Siikaar jedhamu tokkoo dhufe; magalaani sunis lafa Yaaqoob ilma isaa Yooseefif kenne sanatii dhiyoo dha. <sup>6</sup>Eelli<sup>g</sup> bishaanii kan Yaaqoobi tokko achi ture; Yesuusis waan karaa deemuudhaan dadhabeef eela bishaanii sana bira taa'e; yeroon Isaas gara sa'atii ja'affaa ture.

<sup>7</sup>Dubartiin<sup>h</sup> Samaariyaa tokkos bishaan waraabbachuu dhufte; Yesuusis, "waan ani dhugu naa kenni" jedheen. <sup>8</sup>Barattooni isaa nyaata bituuf gara magaalaa dhaqanii turaniitii.

<sup>9</sup>Dubartiin Samaariyaa sunis Yesuusiin, "ati otoo Yihuudii

<sup>a</sup>29 ykn intali fiudhani /ashooni; <sup>b</sup>29 ykn jaalli abbaa fiudha; <sup>c</sup>29 ykn goonqoo /goonga; <sup>d</sup>33 ykn milikkeetaan; <sup>e</sup>34 ykn kiila; <sup>f</sup>5 ykn dira; <sup>g</sup>6 ykn booll; <sup>h</sup>7 ykn niittini

taatee jirtuu akkamitti waan dhuddu ana dubartii Samaariyaa kadhatta?" jetteen; Yihuudonni warra Samaariyaa wajjiin walii galtee hin qaban tureetii.

<sup>10</sup>Yesusis deebisee, "kennaa Waqaatiifi inni, 'waan ani dhugu naa kenni' siin jedhu kun eennu akka ta'e otoo beettee silaa sittu isa kadhata ture; innis bisaan jireennaa sii kenna ture" jedheen.

<sup>11</sup>Dubartittiis, akkanaa jetteen; "yaa gooftaa; ati waan ittiin waraabattu hin qabdu; eelli kunis gad fagoo dha<sup>i</sup>, bisaan jireennaa eessaa argatta? <sup>12</sup>Ati abbaa keenya Yaaqoob isa eela kana nuu kenne caalta moo? Inni mataan isaa, ijoollee isaatifi horiin isaa eeluma kana keessaa dhugaa turan."

<sup>13</sup>Yesusis akkanaa jedhee deebise; "namni bishaan kana dhugu hundinuu deebi'ee ni dheeobot; <sup>14</sup>Garuu namni bishaan ani isaaf kenu dhugu kamiyyuu matumaa<sup>j</sup> hin dheeobot; bishaan ani isaaf kenu isa keessatti burqaa bishaanii isa jirenya barbaraatiif burqu ni ta'a."

<sup>15</sup>Dubartittiis, "yaa gooftaa; akka ani hin dheebonneef, bishaan waraabuufis akka ani asitti hin dedeebineef bishaan sana naa kenni" jetteen.

<sup>16</sup>Yesusis, "dhaqitii dhiirsa kee waamii koottu !" jedheen

<sup>17</sup>Ishiin immoo, "ani dhiirsa hin qabu" jetteen.

Yesusis akkanaa jedheen; "dhiirsa hin qabu jechuun kee sirrii<sup>k</sup> dha. <sup>18</sup>Ati kanaan dura dhiirsa shan qabda turte. Namichi amma si waliin jirus dhiirsa keetii mitti. Wonni ati amma dubbate dhuguma."

<sup>19</sup>Dubartittiis akkanaa jette; "yaa Gooftaa, akka ati raajaa<sup>l</sup> taate nan hubadha. <sup>20</sup>Abbootiini keenya tulluu kana irratti sagadaa turan; Isin Yihuudonni garuu bakki<sup>m</sup> namni itti Waaqeffachuu qabu Yerusaalem jettu."

<sup>21</sup>Yesusis akkanaa jedheen; "dubartiinana, na amani; yeroon isin itti tulluu kana irrattis ta'u yookaan Yerusaalemitti Abbaa hin Waaqeffanne tokko ni dhufa. <sup>22</sup>Isin waan hin beenne Waaqeffattu; nu garuu sababii fayyinni Yihuudota keessaa dhufuuf waan beennu Waaqeffanna. <sup>23</sup>Warri dhugaan Waaqeffatan yerooni isaani itti Hafuuraa<sup>n</sup> fi dhugaan Abbaa Waaqeffatan tokko ni dhufa; ammayyuu dhufeera; Abbaanis warra dhugaan isa Waaqeffatan kanneen akkanaa barbaada. <sup>24</sup>Waaqni Hafuura; warri isa Waaqeffatanis Hafuuraa fi dhugaadhaan Waaqeffachuu qabu."

<sup>25</sup>Dubartittiis, "Akka masihiin inni Kiristoos jedhamu dhufu nan beeka; innis yommuu dhufutti waan cufa nutti hima" jetteen.

<sup>i</sup>11 ykn liixxoo; <sup>j</sup>14 ykn akkanallee jedhee; <sup>k</sup>17 ykn dhuguma; <sup>l</sup>19 ykn raaga; <sup>m</sup>20 ykn fulaani; <sup>n</sup>23 ykn ayyaanaafi

<sup>26</sup>Yesuusis, "ani namni amma sitti dubbachaa jiru kun isuma" jedheen.

### Barattoonni Gara Yesuusitti Deebi'uu Isaanii

<sup>27</sup>Yoosuma barattoonni isaa deebi'anii dhufan; Yesuusis dubartii tokko wajjiin otoo dubbatuu arganii ajaa'ibsifatani<sup>o</sup>. Garuu namni, "maal barbaadda?" yookaan "maalif ishii wajjiin haasofta?" jedhee isa gaafate tokkolleen hin turre.

<sup>28</sup>Dubartiin sunis okkotee<sup>p</sup> ishii dhiiftee gara magalaatti deebite; namootaanis akkana jette; <sup>29</sup>"koottaati nama waan ani hojjadhe mara natti hime tokko ilaalaat tarrii<sup>q</sup> inni Kiristoos ta'innaa?" <sup>30</sup>Isaanis magaalaa keessaa bahanii Yesuus bira dhufan.

<sup>31</sup>Yommus barattoonni isaa, "yaa barsiisa, mee waa nyaadhu!" jedhanii isa kadhatan.

<sup>32</sup>Inni garuu, "ani nyaata nyaadhu qaba; isinis isa hin beettan" jedheen.

<sup>33</sup>Barattoonni isas, "namattu nyaata fideeffi laata?" jedhanii wal-gaafatan.

<sup>34</sup>Yesuusis akkana jedheen; "nyaanni kiyya fedhii isa na ergee guutuufi hujii isaa raawwachuu<sup>r</sup> dha. <sup>35</sup>Isin, 'ji'a afurittu hafe; sana booddee midhaan walitti qabama' jettuu mitii? Kunoo, ani isinitti hima; akka midhaani bilchaatee walitti qabamuu ga'e

mee ol-jedhatii oobruu<sup>s</sup> ilaalaal!

<sup>36</sup>Inni midhaan haamu mindaa<sup>t</sup> ni argata; firii<sup>u</sup> midhaanichaas jirenya barabaraatiif walitti ni qaba; kunis akka inni facaasuu fi inni walitti qabu waliin gammadaniif.

<sup>37</sup>Kanaaf mammaaksi, 'inni tokko ni facaasa; kaan immoo ni haama' jedhu sun dhugaa dha. <sup>38</sup>Ani akka isin waan itti hin dadhabin haamtaniif isin erge; warri kaan itti dadhabaniiru; isin garuu bu'aa dadhabbiisaanii walitti qabattan"

### Namoonni Samaariyaa Baay'eeni amanuu Isaanii

<sup>39</sup>Sababii dubartiiin, "inni waan ani hojjadhe hundumaa natti hime" jettee dhugaa baateef<sup>v</sup> namoonni Samaariyaa warri magaalaa sanaa baay'een isatti amanan. <sup>40</sup>Kanaaf namoonni Samaariyaa yommuu gara isaa dhufanitti akka inni isaan wajjiin turuuf isa kadhatan; innis guyyaa lama achi ture.

<sup>41</sup>Sababii dubbii isaatiiniis namoonni biraa<sup>w</sup> baayeen isatti amanan.

<sup>42</sup>Isaanis dubarttiidhaan, "ammaan achi wannu nu amannuuf sababii dubbii ati nutti himte sanaatiifii miti; nu mataani keennayyuu isa dhageenneraatii. Akka inni dhugumaan fayyisaa addunyaa

<sup>o</sup>27 ykn maadeffatan /dingifatan; <sup>p</sup>28 hiikkaani tokko tokko buttee jedha; <sup>q</sup>29 ykn gaafin; <sup>r</sup>34 ykn hojjachuu; <sup>s</sup>35 ykn maasi/masau; <sup>t</sup>36 ykn gatii dadhabbi; <sup>u</sup>36 ykn midhaan; <sup>v</sup>39 ykn dhugeessiteef/rageessiteef; <sup>w</sup>41 ykn dhibiini

ta'es beenneerra" jedhan.

### **Yesuus Ilma Qondaala Tokkoo Fayyisuu Isaa**

<sup>43</sup>Guyyaa lamaaani sana duubatti Yesuus Galiilaa dhaqe; <sup>44</sup>Yesuus mataani isaayyuu akka raagni tokko biyya isaa keessatti ulfinna hin qabne dubbatee tureetii. <sup>45</sup>Yommuu inni Galiilaa ga'ettis warri Galiilaa isaa simatan; isaanis sababii Jerusaalem turaniif waan inni yeroo ayyaana faasikaatti achitti hojjate cufa arganii turan.

<sup>46</sup>Yesuus deebi'ee gara Qaanaa ishii Galiilaa keessaan bakka itti bishaan gara daadhii wayiniitti jijjiiree ture sanaa dhaqe; Qondaalli ilmi isaa dhukkubsate<sup>x</sup> tokkos Qifirnaahom keessa ture. <sup>47</sup>Namichi kunis akka Yesuus Yihuudaadhaa ka'ee Galiilaa dhufe yommuu dhagahetti isaa bira dhaqee, ilma isaa isaa du'uu ga'e sana akka isaaaf fayyisu kadhate.

<sup>48</sup>Kanaaf Yesuus, "isin yoo milikkita fi dinqii argitan malee hin amantan!" jedheen.

<sup>49</sup>Qondaaltichis, "yaa gooftaa, maaloo otoo mucaan kiyya hin du'in dafii naa dhaqqabi" jedheen.

<sup>50</sup>Yesuusis, "ilmi kee fayyeeraatii gali!" jedheen.

Namichiis waan Yesuus isatti dubbate amanee deeme. <sup>51</sup>Otoo inni deemaa jiruu tajaajiltoonni<sup>y</sup> isaa itti dhufanii akka ilmi isaa fayye itti himan. <sup>52</sup>Innis yeroo itti

mucaa isaatti wayyaa'e gaafate; isaanis, "kaleessa<sup>z</sup> sa'aati torbaffaatti nafa gubaani<sup>a</sup> isa dhiise" jedhaniin.

<sup>53</sup>Abbaan mucichaas akka yeroon sun yeroo Yesuus itti, "ilmi kee fayyeera" jedheen ta'e hubate; innis, warri mana isaa martinuu ni amanan. <sup>54</sup>Egaa Yesuus erga Yihuudaadhaa Galiilaatti deebi'ee booddee, kanaan walitti milikkita lammaffaa hojjachuu isaa ti.

### **Yesuus Beetzaataatti**

### **Dhukkubsataa Fayyisuu Isaa**

**5** Kana booddee<sup>b</sup> ayyaana Yihuudotaattu ture; Yesuusis Yerusaalemitti ol-ba'e. <sup>2</sup>Yerusaalem keessa karra hoolaa bira haroo afaan Ibraayisxiittiin Beetzaataa jedhamu tokkottu jira; haroon sun gardaafoo<sup>c</sup> shan qaba. <sup>3</sup>Gardaafovwan sana keessas namoonni dhukkubsatan<sup>d</sup>, jechuunis jaamonni, warri hokkolanii fi warri laamsha'an<sup>e</sup> baay'een ciisanii raafama bishaanii eegachaa turan. <sup>4</sup>Maleekkaan Goftaa yeroo yerootti gadi bu'ee bishaanicha ni raasa ture; raafama bishaanichaatiin duubatti namni jalqabatti bishaan sana keessa seenu kamiyyuu dhukkuba cufa irraa ni fayya ture. <sup>5</sup>Namichi waggaasoddomii

<sup>x</sup>46 ykn fayyaa dhabee; <sup>y</sup>51 ykn hojjattooni;

<sup>z</sup>52 ykn kalee; <sup>52</sup> ykn oowvii nafaa <sup>b</sup>1 ykn duubatti; <sup>c</sup>2 ykn balbala/ buusaa/daasi;

<sup>d</sup>3 ykn warri fayyaa hinqabne

saddeeti dhukkubsate tokko bakka<sup>f</sup> sana ture. "Yesuusis yommuu isaa achi ciisu argee akka inni yeroo dheeraa haala kana keessa ture beeketti "ati fayyuu barbaadaa?" jedhee gaafate.

<sup>7</sup>Dhukkubsataani sunis, "yaa Gooftaa, ani nama na gargaaree yommuu bishaanichi raafamutti haroo sana keessa na buusu hin qabu; yeroo ani seenuuf yaaluttis namni dhibiini<sup>g</sup> na dursee seena" jedhee.

<sup>8</sup>Yesuusis, "ka'i! afata kee fudhadhuutii deemi!" jedhee. <sup>9</sup>Namichis yeruma sana fayye; afata isaas fudhatee deeme.

Guyaani sunis Sanbata ture. <sup>10</sup>Yihuudonnis, namicha fayye sanaan, "Hardha sanbata; kanaaf afata kee baachuun siif hin eeyyamamu" jedhaniin.

<sup>11</sup>Inni garuu, "namicha na fayyiisettu 'afata kee fudhadhuu deemi' naan jedhe" jedhee.

<sup>12</sup>Isaanis, "namichi afata kee fudhadhuu deem siin jedhe sun eenyu?" jedhanii isa gaafatan.

<sup>13</sup>Sababii Yesuus achi hiiqee namoota bakka sanatti tuutta'an keessa seenee tureef namichi fayye sun eenyu akka isa fayyise hin beenne.

<sup>14</sup>Yesuusis ergasii namicha sana mana qulqullummaa keessatti argee, "ati kunoo amma fayyiteerta; rakkinni kana caalu akka sitti hin hindhufneef ammaan achi cubbuu

hin hojjatin" jedheen. <sup>15</sup>Namichis dhaqee kan isa fayyise Yesuus akka ta'e Yihuudotatti hime.

### Jireenna Ilmi Kennu

<sup>16</sup>Sababii inni guyyaa sanbataatiin waan kana hojjateef, Yihuudonni Yesuusin gaargalchaa<sup>h</sup> turan.

<sup>17</sup>Yesuus garuu, "Abbaan kiyya hanga hardhaatti hojjachaa jira; anis hojjachaan jira" isaaniin jedhe. <sup>18</sup>Seera Sanbataa cabsuu isaa qofa otoo hin ta'in sababii inni ofii isaa Waqaan wal-qixxeessuudhaan Waaqni Abbaa kiyya jedheef Yihuudonni ittuma caalchisanii isa ajeesuu barbaadan.

<sup>19</sup>Yesuusisakkana jedhee deebiseef; "ani dhuguman isinitti hima; ilmi ufii isaatiin waan tokkollee hojjachuu hin danda'u; inni waanuma otoo abbaan isaa hojjatuu argu qofa hojjachuu danda'a; sababiinsaa wanuma Abbaan hojjatu ilmis hojjataati. <sup>20</sup>Abbaani ilma ni jaalataatii; waan hojjatu hundumas isatti ni argisiisa; akka isin maadeffattanifiis inni waan kana caaluyyuu isatti ni argisiisa. <sup>21</sup>Akkuma Abbaan warra du'an cufa du'aa kaasee, jirenya kennuuf ilmis akkasuma nama jaalatuuf jirenya ni kenna.

<sup>22</sup>Abbaani eenyuttillee hin muru; murtii cufa garuu ilmatti kenneera;

<sup>e3</sup> ykn nafii irratti du'e; <sup>f5</sup> ykn fulaa;  
<sup>g7</sup> ykn biraa; <sup>h16</sup> ykn ariyachaa/  
baqachiisaa

<sup>23</sup>Kunis akka namni cufti  
akkuma Abbaaf ulfinna kennutti  
ilmaafis ulfinna kennuuf; namni  
ilmaaf ulfinna hin kennine, Abbaa  
isa ilma ergeefis ulfinna hin kennu.

<sup>24</sup>"Ani dhuguman isinitti hima;  
namni dubbii kiyya dhagawu,  
isa na ergettis kan amanu<sup>i</sup> hundi  
jireenna barabaraa qaba; isattis  
hin muramu; inni du'a jalaa gara  
jirenyaatti dabreera. <sup>25</sup>Ani  
dhuguman isinitti hima; yeroon  
warri du'an itti sagalee<sup>j</sup> ilma  
Waaqayyoo dhagaayan tokko ni  
dhufa; ammumayyuu dhufeera;  
warri dhagayanis ni jiraatu.  
<sup>26</sup>Akkuma Abbaan uffi isaatiin  
jireenna qabu ilmis akkasuma  
akka uffi isaatiin jireenna qabaatuuif  
isaaf kenneeraati. <sup>27</sup>Sababii  
inni Ilma Namaa ta'eefis akka  
inni murtii kennuuf Abbaani  
aangoo<sup>k</sup> isaaf kenneera.

<sup>28</sup>"Isa kana hin dinqifatinaa<sup>l</sup>;  
yeroon warri awwaala keessa  
jiran cufti itti sagalee dhagayan  
tokko ni dhufaati. <sup>29</sup>Warri waan  
dansaa hojjatan du'aa ka*i*isa  
jireennaatiifi, warri waan hamaa  
hojjatan immoo du'aa ka*i*isa  
murtiitiif awwaala keessa ni  
ba'u. <sup>30</sup>Ani ofii kiyyaan waan  
tokkollee gochuu hin danda'u;  
ani akkuma dhagawutti nan  
murteessa; ani fedhii isa na ergee  
malee fedhii mataa kiyyaa waan  
hin raawwanneef murtiin kiyya  
qajeelaa dha.

### Dhuga- Ba'iisa Waayee Yesuusi

<sup>31</sup>"Ani yoo waayee ofii kiyyaa  
dhugaa ba'e<sup>m</sup>, dhuga-ba'iinsi kiyya  
dhugaa miti. <sup>32</sup>Garuu kan waayee  
kiyya dhugaa ba'u dhibiini jira;  
anis akka dhuga-ba'iinsi inni  
waayee kiyya kenu sun dhugaa  
ta'e beeka.

<sup>33</sup>"Isin gara Yohaannisiitti namoota  
ergitanii turtan; innis, dhugaa  
sanaaf, dhugaa bayeera. <sup>34</sup>Kunis  
ani dhuga-ba'iisa namaa nan  
fudhadha jechuu miti; Garuu  
akka isin fayyitaniif kana nan  
dubbadha. <sup>35</sup>Yohaannis ibsaa  
boba'ee ifa kenu ture; isinis  
yeroo xiqqoo ifa isaatti gammaduu  
barbaaddan.

<sup>36</sup>"Ani garuu dhuga-ba'iisa  
dhugaa ba'iisa Yohaannisi sana  
caalu qaba; hujiini akka ani  
raawwadhuuf Abbaan natti kenne,  
kan ani ammayyuu hojjachaa  
jiru kun, akka Abbaan na erge  
mirkaneessaati. <sup>37</sup>Abbaan koo  
inni na erges ofii isaati waayee  
koo dhugaa ba'eera; isin takkumaa  
foonqa isaa hin dhageeny; bifaa  
isaas takkumaa hin argine. <sup>38</sup>Isin  
waan isa inni erge hin amaniniif  
dubbiin isaa isin keessa hin  
jiraatu. <sup>39</sup>Isin Kitaabota qulqull-  
uudhaan jirenya barabaraa arganna

<sup>24</sup> ykn dhugeeffatu; <sup>25</sup> ykn qoonqoo/  
goonqa; <sup>27</sup> ykn guddinna; <sup>28</sup> ykn hin  
maadeffatinaa/hin ajaa'ibsiiifatinaa;  
<sup>31</sup> ykn dhugeesse /rageesse

jettanii waan yaaddaniif kitaabota sana qorattu; isaaniyyuu waayee kiyya dhugaa ba'u. <sup>40</sup>Isin garuu jirenya argachuuf gara kiyya dhufuu hin barbaaddan.

<sup>41</sup>"Ani nama irraa galata hin fudhadhu. <sup>42</sup>Garuu akka isin jaalala Waaqayyoo of-keessaa hin qabne nan beeka. <sup>43</sup>Ani maqaa Abbaa kiyyatiin dhufeera; isin garuu na hin simattan; otoo namni biraam qaa ufiitiin dhufee garuu isa ni simattu. <sup>44</sup>Isin yoo wal-irraa ulfinna argattanii ulfinna isa Waaqa tokkicha biraahin dhufu garuu hin barbaanne akkamitti amanuu danddeettu ree?

<sup>45</sup>"Waan ani Abbaa duratti isin himadhu hin se'inaa; kan isin himatu tokko jira; Innis Muusee isin abdattan sana. <sup>46</sup>Otoo Muusee amantanii, anas ni amantu ture; inni waayee kiyya barreesetii. <sup>47</sup>Isin erga waan inni barreeses hin amanne dubbii kiyya immoo akkamitti amantu ree?"

### Yesuus Nama Kuma Shani Sooru Isaa

6:1-13 Kwf ⇒ Mat 14:13-21, Mar 6:32-44; Luq 9:10 -17

**6** Yesuus kana booddee<sup>n</sup> gama galaana Galilaa isa galaana Xibriyaadoosi jedhamuutti ce'e<sup>o</sup>. <sup>2</sup>Namoonni baay'eenis sababii milikkita<sup>p</sup> inni warra dhukkubsatan<sup>q</sup> fayyisuudhaan argisiise arganiif isa hordofan. <sup>3</sup>Yesuus barattoota isaa waliin gaaratti ol-bahee

taa'e. <sup>4</sup>Yeroo sana ayyaanni Yihuudotaa, faasikaan dhiyaatee ture.

<sup>5</sup>Yesuus ija<sup>r</sup> isaa ol-fudhatee otoo namoonni hedduun gara isaa dhufanuu arge; Filipoosiinis, "namoota kanneeniif buddeena isaan nyaatan eessaa binna?" jedhe. <sup>6</sup>Kanas Filipoosin qoruudhaaf jedhee gaafate; inni mataan isaa waan gochuu qabu beeka tureetii.

<sup>7</sup>Filipoosis deebisee, "akka tokkoon tokkoon isaanii xiqqoo xiqqoollee argataniif yoo budd-eenni diinaarii dhibba lamaa bitamellee hin gawu" jedheen.

<sup>8</sup>Barattoota isaa keessaa tokko Indiriyaas, obboleessi Simoon Pheexiroosiakkana jedheen; <sup>9</sup>"gurbaan buddeena garbuu shanii fi qurxummii lama qabu tokko as jira; garuu kun sabaakkana baay'atu kana akkamitti gaha?"

<sup>10</sup>Yesuus, "namoota teessisa" jedhe. Bakka<sup>s</sup> sanas marga<sup>t</sup> baayeettu ture; namoonnis ni tataa'an; Lakkobsi isaanis dhiira gara kuma shanii ture. <sup>11</sup>Yesuus eega buddeena sana fuudhee Waaqa galateeffatee booddee warra tataa'aniif hanga isaan barbaadan hire; qurxummii sanas akkasuma godhe.

<sup>12</sup>Innis eegii namoonni Nyaatanii quufanii booddee barattoota

<sup>n</sup>1 ykn duubatti; <sup>o</sup>1 ykn taakke; <sup>p</sup>2 ykn malkata/milikkeeta; <sup>q</sup>2 ykn fayyaa hinqabne; <sup>r</sup>5 ykn ila

isaatiin, "akka wonnii tokkoyyuu hin banneef hurraa'aa<sup>13</sup> hafe walitti qabaa" jedhe. <sup>13</sup>Isaanis hurraa'aa buddeena garbuu shananii isa warra nyaatan irraa hafe sana gundoo kudhanii lama guutuu walitti qaban.

<sup>14</sup>Namoonnis Yommuu baasa Yesuus hojjate arganitti, "kun dhugumaanuu raajaa<sup>y</sup> gara addunyaa dhufuuf jiru" jedhan. <sup>15</sup>Yesuus akka namoonni sun dhufanii humnaan qabanii mootii isa gochuu yaadan hubatee ammas kophaa isaa gaaratti jalaa miliqe.

**Yesuus Bishaan Irra Deemuu Isaa**  
6:16-21 Kwf ⇒ Mat 14:22-33; Mar  
6:47-51

<sup>16</sup>Yommuu lafti galgalooftetti barattoonni isaa gara galaanaatti gadi bu'an. <sup>17</sup>Isaanis bidiruu<sup>w</sup> yaabbatanii galaana irra gama Qifirnaahomitti ce'uuf ka'an. Yeroon sun dukkana ture; Yesuus ammallee gara isaanii hin dhufne ture. <sup>18</sup>Bubbeeni jabaani isaa waan bubbisaa tureef galaanichi ni raaafame. <sup>19</sup>Isaanis erga gara kiiloo meetira shanii yookaan ja'aa mooqanii<sup>x</sup> booddee otoo Yesuus galaana irra deemaa, bidiruu sanatti dhiyaachaa jiruu argan; ni sodaatanis. <sup>20</sup>Inni garuu, "anumaatii hin sodaatinaa!" jedheen. <sup>21</sup>Isaanis bidiruu irratti ol-isa fudhachuu barbaadan; garuu bidiruun sun yoosuma bakka dhaqaa turan sana gahe.

<sup>22</sup>Guyyaa itti aanutti namoonni galaanicha gamatti hafanii turan akka bidiruun tokko qofti achi ture, akka barattoonni isaa kophaa isaanii deemanifi akka Yesuus isaan waliin bidiruu hin yaabbatin hubatan. <sup>23</sup>Haa ta'u malee bidiruuwan dhibiin<sup>y</sup> Xibriyaadoosii ka'anii bakka itti gooftaan Waqa galateeffateefi, namoonnis itti buddeena nyaatan sana bira ga'aniiru. <sup>24</sup>Namoonni sunis akka Yesuus yookaan barattoonni isaa achi hin jirre, yommuu baranitti bidiruuwan yaabbatanii Yesuusin barbaaduuf Qifirnaahom dhaqan.

#### Yesuus Buddeena Jireennaa

<sup>25</sup>Isaanis yommuu galaanicha gamatti isa arganitti, "yaa barsiisaa, ati yoom asi dhufte?" jedhanii isa gaafatan.

<sup>26</sup>Yesuus akkana jedhee deebise; "ani dhuguman isinitti hima; isin waan milikkita argitaniif otoo hin ta'in, waan buddeena nyaattanii quuftaniif na barbaaddu. <sup>27</sup>Nyaata jireenna barabaraatiif jiraatu kan ilmi namaa inni Waaqni Abbaan chaappaa isaa isa irratti mallatteesse<sup>z</sup> sun isinii kenuuf dadhabaa malee nyaata baduuf hin dadhabinaa.

<sup>10</sup>ykn fulaa; <sup>t</sup>10 ykn buuyyoo ; <sup>"</sup>12 ykn caccabaa /hambaa ; <sup>y</sup>14 ykn raaga; <sup>w</sup>17 ykn hobolo; <sup>x</sup>19 ykn dhawatanii/laaqani; <sup>y</sup>23 ykn biraadibaa; <sup>z</sup>27 ykn irra kaaye

<sup>28</sup>Isaanis, "nu akka hujii Waaqayyoo hojjannuuf maal gochuu qamna?" jedhanii gaafatan.

<sup>29</sup>Yesuusis, "isa inni ergetti amanuun keessan kuniyyuu hujii Waaqayyoo ti "jedhee deebiseef.

<sup>30</sup>Kanaaf isaan akkana jedhanii isa gaafatan; "akka nu isa arginee si amannuuf, milikkita maalii argisiifta? Maal hojjattas?" <sup>31</sup>akka nyaataniiif Samii irraa buddeena isaaniif kenne' jedhamee akkuma barreeffame, abbootiin keenya lafa onaatti<sup>a</sup> mannaa nyaatan."

<sup>32</sup>Yesuusis akkana jedheen; "ani dhuguman isinitti hima; kan samii irraa buddeena isinii kenne Muusee miti; kan samii irraa buddeena dhugaa isiniif kenu garuu Abbaa kiyya. <sup>33</sup>Buddeenni Waaqaa isa samii irraa gadi bu'ee, biyya lafaatiif jireenna kenu sanaatii."

<sup>34</sup>Isaanis, "yaa gooftaa, yeroo cufa buddeena kana nuu kenni" jedhaniin.

<sup>35</sup>Yesuusis akkana isaaniin jedhe; "buddeenni jireenyaa ana; namni gara kiyya dhufu matumaa<sup>b</sup> hin beela'u; kan anatti amanus matumaa hin dheebotu. <sup>36</sup>Akkuma ani isimitti hime isin na argitaniirtu; garuu ammumayyuu hin amantan. <sup>37</sup>Kan Abbaan naa kenu marti gara kiyya ni dhufa; anis kan gara kiyya dhufu of irraa hin ari'u. <sup>38</sup>Ani fedhii isa na erge sanaa raawwachuuuf<sup>c</sup> malee,

fedhii ufii kiyyaa raawwachuuuf samii irraa gad hin buunee.

<sup>39</sup>Fedhiin isa na ergees akka ani warra inni natti kenne hunda guyyaa dhumaatti du'aa kaasuuf malee akka ani isaan keessaa tokkollee balleessuufii miti.

<sup>40</sup>Fedhiin Abbaa kiyyaas akka namni ilma ilaalee isatti amanu cufti jireenna barabaraa qabaatuuf; anis guyyaa dhumaatti du'aa isa nan kaasa."

<sup>41</sup>Kanaaf Yihuudonni sababii inni, "ani buddeena samii irraa gadi bu'e dha" jedheef isatti gungumuu jalqaban. <sup>42</sup>Isaanis; "kun Yesuus isa nu abbaa isaatii fi haadha isaa beennu ilma Yooseefi sanaa mitii? Yoos akkamitti, 'ani samii irraa gadi bu'e' jedha ree?" jedhan.

<sup>43</sup>Yesuusis akkana jedhee deebiseef; "walitti hin gunguminaa.

<sup>44</sup>Abbaani na erge sun isa harkisu baannaan namni kuniyyuu gara kiyya dhufuu hin danda'u; anis guyyaa dhumaatti du'aa isa nan kaasa. <sup>45</sup>Raagota keessatti, 'isaan cufti warra Waaqa irraa baratan nita'u' jedhamee barreeffameera. Namni Abbaa irraa dhaga'ee fi kan isa irraa barate cufti gara kiyya ni dhufa. <sup>46</sup>Isa Waaqa biraa dhufe sana malee namni tokkooyyu Abbaa hin argine;

<sup>a</sup>31 ykn alootti; <sup>b</sup>35 ykn akkanallee jedhee; <sup>c</sup>38 ykn guutuuf

Isa qofattu Abbaa arge.<sup>47</sup> Ani dhuguman isinitti hima; kan amanu martinuu jirenya barabaraa qaba.<sup>48</sup> Buddeenni jireennaa ana.<sup>49</sup> Abbootiini keessan lafa aloo keessatti mannaa nyaatan; garuu ni du'an.<sup>50</sup> Buddeenni samii irraa gadi bu'e garuu isa kana; namni isa nyaatu matumaa hin du'u.<sup>51</sup> Buddeenni jiraataan samii irraa bu'e ana. Namni kamiyyuu yoo buddeena kana irraa nyaate barabaraan ni jiraata. Buddeeni ani jirenya biyya lafaatiif kennus foon kiyya."

<sup>52</sup>Yihuudonnis, "Namichi kun akkamitti akka nu nyaannuuf foon isaa nuu kennuu danda'a?" jedhanii waliin morman.

<sup>53</sup>Yesuusis akkana jedheen; "ani dhuguman isinitti hima; isin foon Ilma Namaa nyaachuu baananaan, dhiiga isaas dhuguu baananaan ufii keessanii jirenya hin qabdan.<sup>54</sup> Namni Foon kiyya nyaatuu fi dhiiga kiyya dhugu hundi jireenna barabaraa qaba. Anis guyyaa dhumaatti du'aa isa nan kaasa.<sup>55</sup> Foon kiyya nyaata dhugaati; dhiigni kiyyas dhugaati dhugaati.<sup>56</sup> Namni Foon kiyya nyaatuu fi dhiiga kiyya dhugu cufti na keessa jiraata; anis isa keessa nan jiraadha.<sup>57</sup> Akkuma Abbaan jiraataan na ergee, anis sababii Abbaatiin jiraadhu sana, namni na nyaatus sababii kiyyaan ni jiraata.<sup>58</sup> Buddeenni samii irraa

bu'e isa kana; innis kan akka mannaa Abbootiin keessan nyaatanii du'an sanaatii miti; namni buddeena kana nyaatu garuu barabaraan ni jiraata."<sup>59</sup> Innis Qifirmaahomitti otoo mana sagadaa keessatti barsiisaa jiruu waan kana dubbate.

#### Barattooni Baay'een Yesuusin Dhiisanii Baqachuu Isaanii

<sup>60</sup>Barattoota isaa keessaa baay'eeni yommuu waan kana dhagayanitti, "barsiisni kun cimaa dha; eenyutu fudhachuu danda'a?" jedhan.

<sup>61</sup>Yesuusis akka barattooni isaa waayee waan kanaa gunguman hubateeakkana jedheen; "kun isin gufachiisaa ree?<sup>62</sup> Yoos yoo ilmi namaa bakka duri turetti otoo ol-ba'uu argitan akkam ta'inna ree?<sup>63</sup> Kan jireenna kennu Hafuura<sup>d</sup>; Foon faayidaa hin qabu; Dubbiin ani isinitti dubbadhe Hafuura; jireennas.<sup>64</sup> Isin keessas warri hin amanne tokko tokko jiru." Yesuus jalqabumaa kaasee isaan keessaa eennu akka hin amaniniifi eennu akka dabarsee isa kennu ni beeka tureetii.<sup>65</sup> Innis ittuma fufee, "sababiin ani 'yoo Abbaa biraa isaaf kennname malee namni tokkolleen gara kiyya dhufuu hin danda'u' isiniin jedheefis kanuma" jedhe.

<sup>d</sup>63 ykn Ayyaana

<sup>66</sup>Kana booddees barattoota isaa keessaa baay'eeni duubatti deebi'an; eegasiis isa wajjiin hin deemne.

<sup>67</sup>Yesuus warra kudhanii lamaan, "isinis deemuu barbaadduu?" jedhe.

<sup>68</sup>Simoon Pheexiroosis akkana jedhee deebise; "yaa gooftaa, gara eenyuu dhaqnaa? ati dubbi jireenya barabaraa qabdaa." <sup>69</sup>Nu akka ati Kiristoos, ilma Waaqa jiraataa taate ni amanna; ni beennas."

<sup>70</sup>Yesuus deebisee, "ani kudhanii lamaan keessaniyyuu filadheeraa mitii? Isin keessaa inni tokko garuu Daabiloos" jedhe. <sup>71</sup>Innis waayee Yihuudaa ilma Simoon Asqorooticha dubbate; Yihuudaani warra kudhanii lamaan keessaa tokko ta'us Yesuusin dabarsee kennuuf jiraati?

#### Yesuus Ayyaana Daasii Irratti Argamuu Isaa

**7** Kana booddee<sup>e</sup> Yesuus Galiilaan keessa dedeeb'aa ture; sababii Yihuudonni isa ajjeesuu barbaadaniif inni Yihuudaa keessa hin dedeebine. <sup>2</sup>Ayyaanni daasii<sup>f</sup> Yihuudotaa dhiyaatee ture. <sup>3</sup>Obboleeyyan isaas akkana jedhaniin; "akka barattooni kee waan ati hojjatu arganiif ka'iitii Yihuudaa dhaqi. <sup>4</sup>Namni otoo Muldhinnatti beekamuu barbaaduu dhossaatti waa hojjatu hin jiruutii; Atis sababii waan kana hojjattuuf

addunyaatti of-muldhisi." <sup>5</sup>Obboleeyyan isaaalleen isatti hin amanne<sup>g</sup> tureetii.

"Yesuus is akkana jedheen; "yeroon kiyya ammallee hin geenne; isiniif garuu yeroon cufti mijawaadha. <sup>7</sup>Addunyan isin jibbuu hin danda'u; ani garuu akka huijin isaa hamaa ta'e waan itti dhugeessuuf na jibba. <sup>8</sup>Isin ufii keessanii gara ayyaana<sup>h</sup> sanaa dhaqaa; ani garuu waan yeroon kiyya ammallee hin ga'iniif gara ayyaanichaatti ol hin bawu." <sup>9</sup>Innis waan kana isaanitti dubbatee Galiilaatti hafe.

<sup>10</sup>Garuu erga obboleeyyan isaa gara ayyaanichaatti ol ba'anii booddee innis otoo muldhinnaan hin ta'in dhossaan ol-ba'e. <sup>11</sup>Yihuudonni ayyaanicha irratti, "namichisun eessa jira?" jedhanii gaafacha ha isa barbaadaa turan.

<sup>12</sup>Namoota jidduutis waayee isaa gungummii guddaattu ture; namoonni tokko tokko, "inni nama gaarii dha" jedhan.

Warri kaan immoo, "akkasii miti; inni karaa irraa nama jallisa" jedhan. <sup>13</sup>Garuu waan Yihuudota sodaataniif namni tokkolleeni muldhinnaan waayee isaa hin dubbanne.

#### Yesuus Ayyaana Yihuudotaa Irratti Barsiisuu Isaa

<sup>14</sup>Gara walakkaa ayyaanichaattis

<sup>e</sup>1 ykn duubatti; <sup>f</sup>2 ykn hoosaa; <sup>g</sup>5 ykn hin dhugeeffanne; <sup>h</sup>8 ykn jila

Yesuus mana qulqullummaa seenee barsiisuu jalqabe.<sup>15</sup> Yihuudonnis, dinqifatanii<sup>i</sup>, "namichi kun akkamitti otoo hin baratin beekumsa akkanaa qabaate?" jedhan.

<sup>16</sup> Yesuus akkana jedhee deebiseef; "barsiisni kiyya kan isa na ergee ti malee kiyyaa miti.<sup>17</sup> Namni fedhii Waaqayyoo raawwachuu<sup>j</sup> barbaadu martinuu barsiisni kun Waaqa biraat dhufuu fi dhufuu baachuu isaa yookaan ani ofuma kiyyaan dubbachuu fi dubbachuu baachuu kiyya ni beeka.<sup>18</sup> Namni ufuma isaatiin dubbatu inni ufuma isaati ulfinna argachuu barbaada; namni ulfinna kan isa erge sanaa barbaadu garuu inni nama dhugaa ti; sobnis isa keessa hin jiru.

<sup>19</sup> Muuseen seera isinii kenneeraa mitii? Isin keessaa garuu namni tokkoyyu seera sana hin eegu; isin maaliif na ajjeesuu barbaaddu?"

<sup>20</sup> Jarris deebisanii, "jinniittu si keessa jira; eenyuttu si ajjeesuu barbaada?" jedhaniin.

<sup>21</sup> Yesuus akkana jedheen; "ani hujii baasaa tokko hojjannaan hundi keessan ajaa'ibsiifattan.<sup>22</sup> Muuseeni seera gadoomaa<sup>k</sup> isinii kenne; gadooma garuu abbootiittu jalqabe malee Muusee miti; isinis guyyaa Sanbataa nama gadoomsitu.<sup>23</sup> Akka seerri Muusee hin cabneef eega namni tokko guyyaa Sanbataatiin gadoomuu danda'ee, isin maaliif sababii ani guyyaa sanbataatiin nafa namaa

guutuu fayyiseef jettanii natti aartu?<sup>24</sup> Murtii qajeelaa kennaa malee, bifaa qofa ilaaltanii hin murteessinaa."

### Yesuus Kun Kiristoos Moo?

<sup>25</sup> Kanaaf namoota Yerusaaleemii keessaa tokko tokko akkana jedhan; "inni kun namicha isaan ajjeesuuf barbaadan sanaa mitii?<sup>26</sup> Kunoo inni ifatti ba'ee dubbata; isaanis womaa isaan hin jenne; Abbootiin aangoo<sup>l</sup> akka inni Kiristoos ta'e sirriitti<sup>m</sup> beekaniiruu laata?<sup>27</sup> Ta'us namichi kun nama eessaa akka ta'e nu beenna. Kiristoos yommuu dhufutti garuu inni eessaa akka dhufu namni tokkolleen hin beeku."

<sup>28</sup> Yommus Yesuus otoo mana qulqullummaa keessatti barsiisu sagalee<sup>n</sup> isaa ol-fudhatee akkana jedhe; "isin na beettu; akka ani eessaa dhufes beettu; ani ufii kiyyaan hin dhufne; inni na erge sun dhuga-qabeessa; isin garuu isa hin beettan.<sup>29</sup> Ani garuu isa biraat dhufe; isattu na erges; kanaafis ani isa beeka."

<sup>30</sup> Kanaaf isa qabuu barbaadan; garuu waan yeroon isaa hin ga'iniif namni tokkolleeni harkaan isa hin tuqne.<sup>31</sup> Ta'us namoonni baay'een isatti amanan; isaanis,

<sup>i</sup>15 ykn maadeffatanii /ajaa'ibsiifatani;

<sup>j</sup>17 ykn guutuu; <sup>k</sup>22 ykn dhagna qabaa/

qabaan- qabaa; <sup>l</sup>26 ykn jabeennua; <sup>m</sup>26 ykn

akkuma dansaa; <sup>n</sup>28 ykn qoonqoo/

qoonqa

"Kiristoos yommuu dhufutti mili-kkita<sup>9</sup> namichi kun argisiise caalu ni argisiisa laata?" jedhan.

<sup>32</sup>Fariisonnis otoo namoonni waayee isaa waan akkanaa gungumanuu dhagayan. Luboonni hangafoonni<sup>10</sup> fi Fariisonni Yesusin qabsiisuuf eegdota mana qulqullummaa ergan.

<sup>33</sup>Yesusis akkana jedheen; "Ani yeroo gabaabaa isin waliin jira; kana booddee gara isa na erge sanaa nan dhaqa. <sup>34</sup>Isinis na barbaaddu; garuu na hin argattan; bakka<sup>11</sup> ani jirus dhufuu hin dandeettan."

<sup>35</sup>Yihuudonnis akkana waliin jedhan; "namichi kun akka nu isa hin argineef eessa dhaquu yaade laata? gara saba keenna warra Giriikota keessa faffaca'anii dhaqee Giriikota barsiisuu barbaade moo? <sup>36</sup>Isin na barbaaddu; garuu na hin argattan; bakka ani jirus dhufuu hin dandeettan' jechuun isas maal jechuun isaa tii?"

<sup>37</sup>Guyyaa ayyaanichi itti raawwatu, guyyaa guddaa sana, Yesus ka'ee dhaabatee qoonqa guddaan akkana jedhe; "eenyulleen yoo dheebole, gara kiyya dhufee haa dhuguu. <sup>38</sup>Akkuma Kitaabni jedhe nama natti amanu cufa bisaan jireenyattu garaa isaa keessa burqa." <sup>39</sup>Kunis waayee Hafuura Qulqu-lluu<sup>12</sup> kan warri isatti amanan argachuuf jiranii dubbachuu isaa ti; sababii

Yesus ammallee ulfinna hin argatiniif Hafuuri Qulqulluun hanga yeroo sanaatti hin kennamne tureetii.

<sup>40</sup>Namoota sana keessaa tokko tokko yommuu dubbii kana dhagayanitti, "kun dhugumaanuu raagicha<sup>13</sup>" jedhan.

<sup>41</sup>Warri kaant<sup>14</sup> immoo, "inni Kiristoos " jedhan.

Namoonni kaanis akkana jedhan; "Kiristoos Galilaadhaa dhufaa?

<sup>42</sup>Akka Kiristoos sanyii Daawiti keessaa dhalatuu fi akka inni magaalaa<sup>15</sup> Daawiti Beetliheemii dhufu Kitaabni ni dubbataa mitii?" <sup>43</sup>Kanaafis waayee isaa irratti garaagarummaan isaan jidduutti uumame. <sup>44</sup>Isaan keessaas tokko tokko isa qabuu barbaadan; garuu namni tokkoyyuu harkaan isa hin tuqne.

#### Amanuu Diduu Dura-Bu'oota Yihuudotaa

<sup>45</sup> Kana booddee eegdonni sun gara luboota hangafaati fi gara Fariisotaatti deebi'an; isaanis, "maaliif isa fiddanii hin dhufne?" jedhanii eegdota sana gaafatan.

<sup>46</sup>Eegdonnis, "namni tokkoyyuu akka namicha kanaatti dubbatee hin beeku" jedhanii deebisan.

<sup>47</sup>Fariisonnis deebisanii akkana

<sup>9</sup>31 ykn malkata/milikkeeta ; <sup>10</sup>32 ykn gaallolee gugurdoor; <sup>11</sup>34 ykn fulaa; <sup>12</sup>39 ykn Ayyaana Woyyuu; <sup>13</sup>40 ykn raa jicha; <sup>14</sup>41 ykn kuuwwan; <sup>15</sup>42 ykn dira

jedhan, "isinis ni gowwoomse jechuu dha? <sup>48</sup>Abbootii aangoo keessaa yookaan Fariisota keessaa namni tokkolleen isatti amaneeraa? <sup>49</sup>Sabni seera hin beenne kun garuu abaaramaa dha."

<sup>50</sup>"Niqoodimoos inni duraan Yesuus bira dhaqee fi isaan keessas tokko ta'e sunakkana isaaniin jedhe; <sup>51</sup>"Seerri keenna otoo isa irraa hin dhagayin, waan inni hojjates otoo hin beekin nama tokkotti ni muraa?"

<sup>52</sup>Isaanis, "atis nama Galiilaatii? akka Raajaani Galiilaadhaa hin kaane qoradhuu bira gaï" jedhaniin.

<sup>53</sup>Kana booddee isaan martinuu gara mana ufiitti galan.

### Dubartii Ejja Irratti Qabamte

**8** Yesuus garuu gara gaara ejersaa dhaqe. <sup>2</sup>Ganama bariis deebi'ee mana qulqullummaa dhufe; innis namni hundumtuu isa biratti walitti qabamnaan isaani barsiisuuf taa'e. <sup>3</sup>Barsiisonni seeraatii fi Fariisonni dubartii ejja<sup>y</sup> irratti qabamte tokko fidan; jidduu isaaniis dhaabachiisanii, <sup>4</sup>Yesuusiin akkana jedhan; "yaa barsiisaa, dubartiin tun ejja irratti qabamte; <sup>5</sup>Muuseeni seera keessatti akka dubartoonni akkanaa dhagaan tumaman nu ajajeera; ati waayee isii maal jettaa? <sup>6</sup>Isaanis waan ittiin isa himatan argachuuf jedhaniii isa qoruuf waan kana gaafatan.

Yesuus garuu gadi jedhee quba isaatiin lafa irratti barreessuu jalqabe. <sup>7</sup>Isaanis ittuma fufanii isa gaafannaan ol jedhee, "isin keessaa namni cubbuu hin qabne yoo jiraate duraan dursee dhagaa isiitti haa darbatuu" jedheen. <sup>8</sup>Ammas gadi jedhee lafa irratti barreesse.

<sup>9</sup>Isaanis yommuu kana dhaga'anitti maanguddootaa jalqabanii tokko tokkoon ba'anii sokkan; Yesuusis dubartittii fuula isaa dura dhaabatte waliin kophaa<sup>w</sup> hafe. <sup>10</sup>Yesuusis ol-jedhee, "dubartinana, warri si himatan meerree<sup>x</sup>? Namni tokkolleeni sitti hin murree?" jedheen.

<sup>11</sup>Istiinis, "yaa Gooftaa, namni tokkolleeni natti hinmurree" jetteen.

Yesuusis, "anis sitti hin muruu deemi; garuu deebitee cubbuu hin hojjatin" jedheen.

### Yesuus ifa addunyaati

<sup>12</sup>Yesuus ammas, "ani ifa biyya lafaa ti; namni na hordofu cufti ifa jirenyaa qabaata malee dukkana keessa hinjiraatu<sup>y</sup>" jedhee isaanitti dubbate.

<sup>13</sup>Fariisonnis, "ati waayee mataa keetii dhugaa baata<sup>z</sup>; dhugaa-ba'iinsi kee immoo dhugaa miti" jedhaniin.

<sup>14</sup>Yesuusis akkana jedhee deebise;

<sup>x</sup>3 ykn niitii hawadii; <sup>y</sup>9 ykn wojja isaa;  
<sup>z</sup>10 ykn meeti ree; <sup>y</sup>12 ykn hindeddeebi'u;

<sup>z</sup>13 ykn dhugeessita/rageessita

"ani yoo ofii kiyyaaf dhugaa ba'ellee ani akkan eessaa dhufee fi akkan garamitti deemu waan beekuuf dhuga ba'iinsi kiyya dhugaa dha. Isin garuu akka ani eessaa dhufee yookaan akka ani garamitti deemu hin beettan. <sup>15</sup>Isin akka fooniitti murtessitu; ani nama tokkottillee hin muru. <sup>16</sup>Garuu ani yoo murellee murtiin kiyya dhugaa dha; kan murus na qofaa miti; inni na erge sun na waliin jiraatii. <sup>17</sup>Dhuga-ba'iisni nama lamaa akka fudhatamaa ta'e seera keessan keessatti barreeffameera. <sup>18</sup>Ani uffi kiyyaaf dhugaa nan ba'a; Abbaani na erges waayee kiyya dhugaa ba'a."

<sup>19</sup>Isaanis, "Abbaan kee eessa jira?" jedhanii isa gaafatan.

Yesuus immoo deebisee, "Isin anas Abbaa kiyyas hin beettan; otoo na beettanii, Abbaa kiyyas ni beettu turtan" jedhe. <sup>20</sup>Yesuus otoo mana qulqullummaa keessatti, kutaa buusiin itti kuufamu keessatti barsiisa jiruu dubbii kana dubbate. Garuu waan Yerooni isaa hin ga'iniif namni tokkoyyuu isa hin qabne.

<sup>21</sup>Yesuus ammas, "ani nan deema; isinis na barbaaddu; cubbuu keessaniinis ni duutu. Isin bakka<sup>a</sup> ani dhaqu dhufuu hin dandeessan" isaaniin jedheen.

<sup>22</sup>Yihuudonis, " Isin bakka ani dhaqu dhufuu hin dandeessan'

jechuuni isaa uf ajjeesuuf ta'innaa?" jedhan.

<sup>23</sup>Innis ittuma fufeeakkana jedhe; "isin kan gadii ti; ani kan olii ti. Isin kan addunyaa kanaati; ani ammoo kan addunyaa kanaatii miti. <sup>24</sup>Isin akka cubbuu keessaniin duutan ani isinitti himeera; isin yoo ani isa ta'u kiyyas hin amanne<sup>b</sup>, dhugumaanuu cubbuu keessaniin ni duutu."

<sup>25</sup>Isaanis, "ati eennu?" jedhanii isa gaafatan.

Yesuus ammooakkana jedhee deebise; "ani isuma jalqabaa kaasee isinitti dubbachaa turee dha. <sup>26</sup>Ani waayee keessan waan jedhuu fi waan muru baay'een qaba. Garuu inni na erge dhugaa-qabeessa; anis waan isa irraa dhagaye addunyatti nan hima."

<sup>27</sup>Isaan garuu akka inni waayee Abbaa isaanitti himaa ture hin hubanne. <sup>28</sup>Kanaaf Yesuusakkana isaaniin jedhe; "yommuu ilma namaa ol-fuutanitti akka ani isa ta'e, waanuma Abbaan na barsiise dubbadha malee akka ani uffi kiyyaan womaa hin hojjannes ni beettu. <sup>29</sup>Inni na erge na wajjiin jira; sababii ani yeroo hunda waan isa gammachiisu hojjadhuuf inni kophaa kiyya na hin dhiifne." <sup>30</sup>Akkuma inni kana dubbateenis, namoonni hedduuni isatti amanan.

### Ijoollee Abrahaami

<sup>31</sup>Yesuus Yihuudota isatti

<sup>a</sup>21 ykn fulaa; <sup>b</sup>24 ykn hin dhugeeffanne

amananiin akkana jedhe; "yoo dubbii kiyyatti cimtan isin dhuguma barattoota kiyya; <sup>32</sup>Dhugaas ni beettu; dhugaanis bilisa isin baasa<sup>c</sup>."

<sup>33</sup>Isaanis, "nu sanyii Abrahaamiiti, nu eenyumaafuu takkaa garba hin taane; yoos akkamitti bilisa baatu nuun jetta ree?" jedhaniin.

<sup>34</sup>Yesuusis deebisee akkana jedhe; "ani dhuguman isinitti hima; namni cubbuu hojjatu marti garba cubbuu ti. <sup>35</sup>Garbi barabaraan mana hin jiraatu; ilmi garuu barabaraan ni jiraata. <sup>36</sup>Kanaaf yoo ilmi bilisa isin baase, isin dhugumayyu bilisa ni baatu. <sup>37</sup>Isin sanyii Abrahaami ta'u keessan ani beeka; garuu sababii dubbiin kiyya isin keessatti bakka hin qabneef na ajjeesuu barbaaddu. <sup>38</sup>Ani waan Abbaa kiyya biratti arge dubbadha; isinis waanuma abbaa keessan irraa dhageettan hojjattu."

<sup>39</sup>Isaanis, "abbaan keenya Abrahaam" jedhan.

Yesuus ammoo akkana jedhe, "otoo ijoollee Abrahaami taatanii, hujii Abrahaam hojjate ni hojjattu turtan. <sup>40</sup>Isin garuu ana nama dhugaa Waaqa irraa dhagaye isinitti hime ajjeesuu barbaaddu; Abrahaam waan akkasii hin hojjanne. <sup>41</sup>Isin waan abbaan keessan hojjate hojjattu."

Isaanis, "nu ejjaan hin dhalanne; abbaa tokkicha qabna; innis Waaqa." jedhaniin.

### Ijoollee Daabiloosi

<sup>42</sup>Yesuusis akkana isaaniin jedhe; "otoo waaqni abbaa keessan ta'ee na jaalattu turtan; ani Waaqa keessaa bahee dhufetii; isattu na erge malee ani ofii kiyyaan hin dhufne. <sup>43</sup>Wonni ani dubbadhu maaliif isinii hin galu? Sababiin Isaas waan isin waan ani jedhu dhagawuu hin dandeenneef. <sup>44</sup>Isin ijjoolee abbaa keessanii ijjoolee daabiloosiiti; fedhiin keessanis hawwii abbaa keessanii raawwachuu dha. Inni jalqabumaa kaasee nama ajjeesaa ture; waan dhugaan isa keessa hin jirreef inni dhugaa keessa hin jiraatu. Inni kijibaafi<sup>d</sup> abbaa kijibaa waan ta'eef yommuu kijiba dubbatutti ofuma keessaa fuudhee dubbata. <sup>45</sup>Isin garuu waan ani dhugaa dubbadhuuf nan hin amantan. <sup>46</sup>Isin keessaa namni cubbuun na himatu ennu? Eegii ani dhugaa dubbadhe isin maaliif na hin amanne? <sup>47</sup>Namni nama Waaqaa ta'e dubbii Waaqaa ni dhagaya; isin garuu waan kan Waaqaa hin ta'iniif hin dhageessan."

### Yesuusiifi Abrahaam

<sup>48</sup>Yihuudonnis deebisanii, "ati nama Samaariyaa ti; jinniittu si keessa jira jechuun keenya sirrii miti?" jedhaniin.

<sup>49</sup>Yesuus ammoo akkana jedhe;

<sup>c</sup>32 ykn *isan balchoomsiti*

"jinniin na keessa hin jiru; ani Abbaa kiyyaaf ulfinna nankenna; isin garuu ulfinna naa hin kennitan. <sup>50</sup>Ani ulfinna mataa kiyyaa hin barbaadu; garuu kan ulfinna barbaadu tokko jira, innis Abbaa murtii ti. <sup>51</sup>Ani dhuguman isinitti hima; eennulleen yoo dubbii kiyya eege matumaa<sup>e</sup> du'a hin argu."

<sup>52</sup>Yihuudonnis akkana jedhaniin; "akka jinniin si keessa jiru nu amma barreerra. Abrahaam du'eera; raajonnis<sup>f</sup> du'aniiru; ati garuu, 'eennulleen yoo dubbii kiyya eege matumaa du'a hin dhandhamu' jetta. <sup>53</sup>Ati abbaa keenya Abrahaam caalta moo? inni du'eera; raajonnis du'aniiru; egaa ati eenu ofiin jetta ree?"

<sup>54</sup>Yesuus akkana jedhee deebise; "ani yoo ufii kiyyaaf ulfinna kenne, ulfinni kiyya faayidaa hin qabu; kan ulfinna naa kennu Abbaa kiyya isuma isin Waaqa keenna jettaniin sanaa dha. <sup>55</sup>Yoo isin isa beekuu baattanillee ani isa beeka. Otoo ani isa hin beeku jedhee akkuma keessan sobduu nan ta'a ture. Ani garuu isa beeka; dubbii isaaS nan eega. <sup>56</sup>Abbaan keessan Abrahaam guyyaa kiyya arguuf gammadee ture; innis ni arge; ni gammades."

<sup>57</sup>Yihuudonnis, "umriin kee wagga shantamallee hinguunne; yoos ati akkamitti Abrahaamin argeera jetta ree?" jedhaniin.

<sup>58</sup>Yesuus, "otoo Abrahaam hin dhalatiniiyuu ani anuma isaaniin " jedhee. <sup>59</sup>Isaanis yeruma sana isa dhawuuf jedhani dhagaa guurrtan; Yesuus garuu dhokatee mana qulqullummaati ba'ee sokke.

### Yesuus Namicha Jaamaa Tokko Fayyisuu Isaa

**9** Yesuus otoo dabruu namicha dhalootuma isaatii jalqabee jaamaa ture tokko arge. <sup>2</sup>Barattooni isaaS, "yaa barsiisaa, namichi kun akka jaamaa ta'ee dhalatuuf eenyuttu cubbuu hojjate? isa moo abbaa fi haadha isaa ti?" jedhaniisa gaafatan.

<sup>3</sup>Yesuus akkana jedhee deebise; "akka hujiini Waqa jirenya isaa keessatti muldhauuf malee inni yookaan abbaa fi haati isaa cubbuu hojjataniitii miti. <sup>4</sup>Otoo guyyaa ta'ee jiruu hujii isa na ergee hojjachuu qabna; halkan namni tokkooyyuu itti hojjachuu hin dandeenne ni dhufa. <sup>5</sup>Ani hanga addunyaa irra jirutti ani ifa addunyaati."

<sup>6</sup>Innis erga kana jedhee booddee<sup>g</sup> lafatti tufee biyyee jiise; biyyee jiise sanas ija<sup>h</sup> namichaa dibe. <sup>7</sup>Innis namicha sanaan, "dhaqitii haroo Saliihom omiitti dhiqadhu" jedhe. Saliihom jechuuni kan ergame jechuu dha.

<sup>d44</sup> ykn dharraafi /sobaafi; <sup>e51</sup> ykn akkanallee jedhee; <sup>f52</sup> ykn raagotii; <sup>g6</sup> ykn duubatti; <sup>h6</sup> ykn ila

Namichis dhaqee dhigate; argaas<sup>i</sup> deebi'ee dhufe.

<sup>8</sup>Oolloonni isaatii fi namoonni duraan otoo inni kadhatuu argan, "namichi kun isuma taa'ee kadhachaa ture sanaa mitii?" jedhan. <sup>9</sup>Namoonni tokko tokko, "eeyee! isa" jedhan. kaan<sup>j</sup> immoo, "lakki<sup>k</sup>, isa fakkaata malee" jedhan.

Inni garuu, "namichi sun anuma" jedhe.

<sup>10</sup>Jarris, "ijji keeakkamitti baname ree?" jedhaniin.

<sup>11</sup>Innis deebisee, "namichi Yesuus jedhamu tokko biyyee jiisee ija koo dibee, 'gara haroo Saliihom dhaqitii dhiqadhu' naan jedhe; anis dhaqee dhiqadhe; arguus nan danda'e."

<sup>12</sup>Isaanis, "namichi sun eessa jira?" jedhaniisa gaafatan.

Innis, "ani hin beeku" jedheen.

### Fariisonni Waayee Fayyuu Namichaa Qorachuu Isaanii

<sup>13</sup>Isaanis namicha duri jaamaa ture sana Fariisotatti geessan.

<sup>14</sup>Guyaan itti Yesuus biyyee jiisee ija namichaa bane Sanbata ture. <sup>15</sup>Fariisonni ammas namichi akkamitti akka arguu danda'e isa gaafatan; namichis, "Inni biyyee jiisee ija koo dibee; anis nan dhiqadhe; nan argues" jedheen.

<sup>16</sup>Farisota keessaas tokko tokko, "namichi kun waan Sanbata hin eegneef<sup>l</sup>, inni Waaqa biraan hin dhufne" jedhan.

Warri kaan garuu, "cubbamaan tokko akkamitti baasa akkanaa hojjachuu danda'a?" jedhan. Garaag-arummaanis isaan jidduutti uumame.

<sup>17</sup>Kanaaf ammas gara namicha jaamaa ture sanaatti deebi'anii, "waayee namicha ija kee sii bane sanaa maal jetta?" jedhaniin.

Namichis deebisee, "inni raaga<sup>m</sup>" jedhe.

<sup>18</sup>Yihuudonnis hanga abbaa fi haadha namicha agartuu isaa argate sanaa waamanitti akka inni jaamaa turee fi akka inni agartuu isaa argate ammallee hin amanne<sup>n</sup>. <sup>19</sup>Isaanis, "inni kun ilma keessan isuma isin jaamaa ta'ee dhalate jettan sanaa? Yoos amma immoo akkamitti arguu danda'e ree?" jedhani gaafatan.

<sup>20</sup>Abbaa fi haati namichaas deebisanii akkana jedhan; " akka inni ilma keenna ta'ee fi akka jaamaa ta'ee dhalate ni beennu.

<sup>21</sup>Garuu amma akkamitti arguu akka danda'e yookiin ija isaa eenyu akka baneef nu hin beennu. Inni nama guddaa dha; waayee mataa isaa dubbachuu ni danda'a; isuma gaafadhaa." <sup>22</sup>Abbaa fi haati isaa sababii Yihuudota sodaataniif waan kana jedhan. Namni Kamiyyuu Yesuus inni Masiihicha jedhee yoo dhugeesse<sup>o</sup>

<sup>i</sup>7 ykn ilaalaa; <sup>j</sup>9 ykn kuwwan; <sup>k</sup>9 ykn hiyyoo; <sup>l</sup>16 ykn hinkabajneef; <sup>m</sup>17 ykn raajaadha; <sup>n</sup>18 ykn hindhugueeffanne; <sup>o</sup>22 ykn rageesse/dhugaa-ba'e

akka mana sagadaa keessaa  
ari'amu Yihuudomni duraan dursanii  
murteessanii turaniitii. <sup>23</sup>Kanaaf  
abbaa fi haatii isaa, "inni nama  
guddaadha; isuma gaafadhaa"  
jedhan.

<sup>24</sup>Isaanis yeroo lammaffaa namicha  
jaamaa ture sana waamanii  
"Waaqayyoof ulfinna kenni;  
namichi kun cubbamaa ta'uu isaa  
nu ni beenna" jedhaniin.

<sup>25</sup>Innis, "cubbamaa ta'uu fi  
ta'uu baachuu isaa ani hin beeku;  
ani waan tokko qofa beeka; ani  
jaamaa ture; amma garuu nan  
arga" jedhee deebise.

<sup>26</sup>Isaanis, "maal sii godhe? ija  
kees akkamitti sii bane?" jedhaniin  
isa gaafatan.

<sup>27</sup>Inni ammoo, "ani kanaan dura  
isinitti himeera; isinis hin dhag  
eenye; ammas maaliif dhagawuu  
barbaaddu? isinis barattoota isaa  
ta'uu barbaadduu?"

<sup>28</sup>Isaanis akkana jedhaniin isa  
arrabsan; "barataan namicha  
kanaa si'i! Nu barattoota Muusee  
ti. <sup>29</sup>Akka Waaqni Muuseetti  
dubbate nu beenna; namichi kun  
garuu eessaa akka dhufeyyuu hin  
beennu."

<sup>30</sup>Namichis deebisee akkana jedhe;  
"inni eessaa akka dhufe wallaaluun  
keessan waan nama dinquu<sup>p</sup> dha;  
kan ija kiyya naa bane garuu  
isuma. <sup>31</sup>Waaqayyo, nama isa  
sodaatuu fi nama fedhii isaa  
raawwatu<sup>q</sup> dhagaya malee, akka

cubbamtoota hindhageenyne ni  
beenna. <sup>32</sup>Eennulleen ija nama  
jaamaa ta'ee dhalate tokkoo akka  
bane uumama addunyaati jalqabee  
dhagayamee hin beeku. <sup>33</sup>Namichi  
kun otoo Waqaq biraa dhufuu baatee  
womaan gochuu hin danda'u ture.

<sup>34</sup>Isaanis deebisanii, "ati kan  
guutummaatti cubbuun dhalatte,  
sittu nu barsiisaa?" jedhaniin;  
gadis isa baasan.

### Jaamummaa Hafuuraa

<sup>35</sup>Yesuusis akka isaan gadi isa  
baasan dhagaye; yommuu isa  
argettis, "ati ilma namaatti ni  
amantaa?" jedheen.

<sup>36</sup>Namichis, "yaa gooftaa, akka  
ani isatti amanuuf inni eennu?"  
jedhe.

<sup>37</sup>Yesuusis, "ati amma isa  
argiteerta; inni si waliin haasa'aa  
jiru isuma" jedheen.

<sup>38</sup>Namichi sunis, "Yaa Gooftaa,  
nan amana" jedhe; ni sagadeefis.

<sup>39</sup>Yesuusi ammoo, "warri jaam  
aani akka arganiif, warri argan  
immo akka jaamaniif ani murtiif  
gara addunyaa kanaa dhufeera"  
jedhe.

<sup>40</sup>Fariisota isa wajjiin turan  
keessaa tokko tokko waan kana  
jechuu isaa dhagayanii, "nus  
jaamotaa ree?" jedhaniin gaafatan.

<sup>41</sup>Yesuusis, "ootoo jaamota taatanii  
cubbuu hin qabdan turtan; isin

<sup>p30</sup> ykn ajaa'ibsiiisu /maadeffachiisu;  
<sup>q31</sup> ykn guutu

garuu waan, 'ni argina' jettaniif cubbuun keessan ni jiraata"  
jedheen.

#### Tissituu Fi Hoolota Isaa

**10**"ani dhuguman isinitti hima; namni balbalaan moonaa hoolotaa<sup>r</sup> hin seennee, garuu karaa dhibiin<sup>s</sup> yaabbatee seenu kamiyyuu hattuu fi saamtuu dha. <sup>2</sup>Namni balbalaan seenu immoo tissituu hoolotaa ti. <sup>3</sup>Eegduun balbalaas isaaf bana; hoolonnis sagalee<sup>t</sup> isaa dhagawu; innis hoolota isaa maqaa maqaan waamee gadi yaasa. <sup>4</sup>Erga warra kan isaa ta'an hunda gadi yaaseen duubatti isaan dura deema. Hoolonni isaas waan sagalee isaa beekaniif isa faana bu'u. <sup>5</sup>Nama kaan garuu ni baqatu malee faana hin bu'an; sagalee nama kaanii hin beekaniitii." <sup>6</sup>Yesuus fakkeanya kana isaanitti hime; isaan garuu akka inni maal isaanitti himaa ture hin hubanne.

<sup>7</sup>Kanaaf Yesuus ammas akkana jedheen; "dhuguman isinitti hima; ani balbala hoolotaa ti. <sup>8</sup>Warri na dura dhufan marti hattootaa fi saamtota; hoolonni garuu isaani hin dhageenne. <sup>9</sup>Balbalichi ana; namni karaa kiyyaan ol-seenu cufti ni fayya. Inni ni seena; ni ba'a; waan dheedus ni argata. <sup>10</sup>Hattuun: hatuuf, ajjeesuu fi balleessuu qofaaf dhufti; ani garuu akka isin jirenya qabaattaniif,

jirenya irraa hafaas akka qabaa-  
ttaniif dhufeera.

<sup>11</sup>"Tissituun dansaan ana; tiss-  
ituun dansaani hoolota isaatiif  
jedhee jirenya isaa dabarsee ni  
kenna. <sup>12</sup>Namni qaxaramaan<sup>u</sup>  
kan tissituu hin ta'in garuu waan  
hoolonni kan isaa hin ta'iniif  
yommuu dhufaatii yeeyii<sup>v</sup> argutti  
hoolota dhiisee baqata; yeeyiinis  
hoolota ni butata; ni bittinneessas.  
<sup>13</sup>Namichis waan qaxaramaa ta'eef  
ni baqata; hoolotaafis hin yaadu.

<sup>14</sup>"Tissituun gaariin ana; ani  
hoolota kiyya beeka; hoolonni  
kiyyas na beeku; <sup>15</sup>Kunis akkuma  
Abbaan na beekutti fi akkuma  
ani Abbaa beekutti. Anis jireenna  
kiyya hoolotaaf nan kenna. <sup>16</sup>Ani  
warra moonaa kanatti galan  
malees hoolota gara biraq qaba;  
isaanis fiduun qaba; isaanis  
quoona kiyya nidhagawu; karra  
tokkos ni ta'u; tissituun isaaniis  
tokko ta'a. <sup>17</sup>Ani deebisee fudhachuuuf  
lubbuu kiyya dabarsee waan  
kennuuf Abbaan na jaalata.  
<sup>18</sup>Lubbuu kiyya anumatu ofi  
kiyyaan dabarsee kenna malee  
eenyuyyuu narraa hin fudhatu;  
Ani lubbuu kiyya dabarsee  
kennuuf aangoo<sup>w</sup> qaba; deebisee  
fudhachuuufis aangoo qaba; Ajaja  
kanas Abbaa kiyya biraq fudha-  
dheera."

<sup>r</sup>1 ykn ooliyee; <sup>s</sup>1 ykn biraatiin; <sup>t</sup>3 ykn  
quoona /quoona; <sup>u</sup>12 ykn beesseen  
tissu; <sup>v</sup>12 ykn yayii ; <sup>w</sup>18 ykn guddinna

<sup>19</sup>Ammas sababii dubbii kanaatiif Yihuudota jidduutti garaa garummaan uomame. <sup>20</sup>Baay'eeni isaaniis, "jinniittu isa keesa jira; inni maraateera; isin maaliif isa dhageettu?" jedhan.

<sup>21</sup>Warri kaan ammoo, "kun jecha nama jinniidhaan qabameetii miti; jinniin ija<sup>x</sup> nama jaamaa banuu ni danda'aa?" jedhan.

#### Amanuu Diduu Yihuudotaa

<sup>22</sup>Yeroo sana ayyaanni mana qulaqullummaa haareessuu Yerusaalemitti ayyaaneffamee ture. Yerooni sunis ganna ture. <sup>23</sup>Yesuusis mana qulqullummaa keessa gardaafuu<sup>y</sup> Solomooni jala dedeabi'aa ture. <sup>24</sup>Yihuudonnis isa marsanii, "hanga yoomiitti qalbii nu rarrafta? Ati yoo Kiristoos<sup>z</sup> taate ifatti baasii nutti himi" jedhaniin.

<sup>25</sup>Yesuusis akkana jedhee deebiseef; "ani isinitti himeera; isin garuu hin amantan<sup>a</sup>. Hujjini ajaa'ibsiisaani<sup>b</sup> ani maqaa Abbaa kiyyatiin hojjadhu waayee kiyya dhugeessa<sup>c</sup>. <sup>26</sup>Isin garuu waan hoolota kiyya hin ta'inif hin amantan. <sup>27</sup>Hoolonni kiyya sagalee kiyya ni dhagawu; Anis isaan beeka; isaanis na faana bu'u. <sup>28</sup>Anis

jireenna barabaraa nan kennaaf; isaanis matumaa<sup>d</sup> hin badan. Eennuyyu harka kiyya keessaa isaan hin butatu. <sup>29</sup>Abbaan kiyya kan natti isaan kenne sun hunduma caala; namni tokkolleen harka Abbaa kiyyaa keessaa isaan butachuu hin danda'u. <sup>30</sup>Anii fi Abbaan tokkuma."

<sup>31</sup>Yihuudonni isa rukutuuf<sup>e</sup> jedhanii ammas dhagaa guurratan.

<sup>32</sup>Yesuusis, "ani hujii dinqii gugurdaa Abbaan kiyyaa natti kenne baayee isinitti argisiiseera; hujii kana keessaa isin sababii isa kamiitiif dhagaan na rukuttu?" jedheen.

<sup>33</sup>Yihuudonnis, "wanni nu dhagaadhaan si rukunnuuf sababii ati Waaqa arrabsiteef malee sababii ati hujii dinqii hojjatteefii miti; ati otoo namuma taatee jirtuu Waaqa uf -goota" jedhanii deebisaniif.

<sup>34</sup>Yesuus ammoo akkana jedhee deebiseef; "seera keessan keessatti, 'ani isin Waaqota jedheera'  
<sup>x21</sup>ykn ila; <sup>y23</sup>ykn balbala /buusaa daasi;  
<sup>z24</sup>ykn masihiit jechuuudha; <sup>a25</sup>ykn hindhugeeffattan; <sup>b25</sup>ykn dinqii/maadee;  
<sup>c25</sup>ykn rageessa/ dhuga-baha; <sup>d28</sup>ykn akkanalleed jedhee <sup>e31</sup>ykn dhawuuf

**10: 22** Ayyaanni mana qulqullummaa haareessuu Hanukkaa jedhamee beekama - Ji'i Hanukkaa sadaasaa walii tokkuma. Ayyaanni kunis guyyaa itti Yihuudaa Maqaabiis (dhaloota Kiristoosi dura bara 164 keessa) mana qulqullummaa kan namoonni Sooriyaa wagga sadii xureessan sana haareesse yaadachuu godhame. Ayyaanichis guyyaa 25ffaaj'i a sanaa irraa jalqabee hanga guyyaa saddeetiitti ayyaaneffama ture. Yeroon kun Yihuudotaafer yeroo gammachuu guddaa ture.

jedhamee barreffameeraa mitii?  
<sup>35</sup>Inni erga warra dubbiini waaqayoo isaaniif dhufreen 'Waaqota' jedhee, kitaabni immoo waan hin diigamneef, <sup>36</sup>' Sababii ani, 'ani ilma Waaqaa ti' jedheef, isin maaliif isa Abbaan qulqulleessee gara biyya lafaatti erge sanaan,' Ati Waaqa arrabsita' jettu? <sup>37</sup>Yoo ani hujii Abbaa kiyyaa hin hojjanne na hin amaninaa. <sup>38</sup>Yoo ani hujii sana hojjadhee garuu yoo na amanuu baattanillee hujicha amanaa; kunis akka Abbaan na keessa jiru, akka anis Abbaa keessa jiru beettanii akka hubattaniif." <sup>39</sup>Iсаан ammas isa qabuu yaalan; inni garuu isaan harkaa ba'ee.

<sup>40</sup>Yesuus ammas deebi'ee Yordanos gama bakka<sup>f</sup> Yohaannis jalqabatti itti cuuphaa ture sana dhaqe; achis ture. <sup>41</sup>Namoonni baay'eenis gara isaa dhufanii, "Yohaannis milikkita<sup>g</sup> tokkollee hin hojjanne; garuu wonni inni waayee namicha kanaa dubbateen cuftinuu dhugaa dha" jedhan. <sup>42</sup>Achittis namoonni hedduuni Yesuusitti amanan.

### Du'uu Alaazaari

**11** Namichi Alaazaar jedhamu kan biitaaniyaa keessa jiraatu tokko dhukkubsachaa<sup>h</sup> ture; biitaaniyaani kunis ganda Maariyaamiifi obboleettiin ishii Maartaan keessa jiraataniidha.

<sup>2</sup>Maariyaam ishiin obboeessii ishii Alaazaar dhukkubsate tun, ishiidhuma dhadhaa urga'a gooftaa dibdee rifeensa mataa ishiitiin miila isaa haaxxee sanaa dha. <sup>3</sup>Kanaaf obboleettonni isaa, "yaa gooftaa, namichi ati jaalattu kunoo dhukkubsachaa jira" jedhanii Yesuusitti dhaaman.

<sup>4</sup>Yesuus yommuu waan kana dhaga'etti, "dhukkubni kun akka ilmi Waaqaa ittiin ulfaatuuf, ulfinna Waaqaatiif dhufe malee du'a hin fidu" jedhe. <sup>5</sup>Yesuus Maartaa fi obboleetii ishii, Alaazaarinis ni jaalata ture. <sup>6</sup>Innis gaafa akka Alaazaar dhukkubsate dhaga'ee jalqabee guyyaa lama bakkuma<sup>i</sup> jiru sana ture.

<sup>7</sup>Innis barattoota isaatiin, "koottaa Yihuudaatti deebinaa" jedhe.

<sup>8</sup>Barattoonni isaa immoo, "yaa barsiisaa, Yihuudonni dhiyeenya kana dhagaadhaan si tumuu barbadaa turan; ati ammallee deebitee achi dhaxxa?" jedhaniin.

<sup>9</sup>Yesuus akkana jedhee deebiseef; "guyaani tokko sa'atii kudhanii lama qabaa mitii? Namni guyyaan deemu waan ifa addunyaa kanaatiin arguuf hin gufatu. <sup>10</sup>Kan halkaniin deemu garuu sababii ifni isa keessa hin jirreef ni gufata."

<sup>11</sup>Innis erga waan kana dubbateen duubatti, itti fufee, "firri keenna

<sup>f</sup>40 ykn fulaa; <sup>g</sup>41 ykn malkata/milikketa; <sup>h</sup>1 ykn fayyaa dhabe; <sup>i</sup>6 ykn fuluma

Alaazaar rafeera; ani garuu hirriibaa isa kaasuu nan dhaqa" isaaniin jedhe.

<sup>12</sup>Barattoonniisaas, "yaa gooftaa, yoo rafee jiraate ni fayya" jedhamiin. <sup>13</sup>Yesuus waayee du'a Alaazaari dubbate; barattoonni isaa garuu waan inni waayee rafitii hirriibaa dubbate se'an.

<sup>14</sup>Kanaaf Yesuus akkana jedhee ifatti baasee isaanitti hime; "Alaazaar du'eera; <sup>15</sup>Akka isin amantaniif<sup>j</sup> ani waan achi hin turiniif waayee keessanif nan gammada; ta'us koottaa gara isaa dhaqnaa."

<sup>16</sup>Toomaas inni Didimoos jedhamu immoo barattoota kaaniin, "nus akka isa waliin duunuuf ka'aa ni dhaqnaa" jedhe.

#### Yesuus Obboleettota Alaazaari Jajjabeessuu Isaa

<sup>17</sup>Yesuus yommuu achi ga'etti akka Alaazaar erga awwaalamee guyyaa afur ture beeke. <sup>18</sup>Biitaaniyaan Yerusaalem irraa gara kiiloo meetirii sadii fagaatti turte. <sup>19</sup>Yihuudonni baay'een Maartaa fi Maariyaamin waayee du'a obboleessa isaanitiif isaan jajjabeessuu dhaqanii turan. <sup>20</sup>Maartaan yommuu dhufaatii Yesuusi dhageessetti isa simachuu gadi baate; Maariyaam garuu manatti hafte.'

<sup>21</sup>Maartaan Yesuusiin akkana jette; "Yaa Gooftaa, otoo ati asi

jiraattee silaa obboleessi kiyya hin du'u ture. <sup>22</sup>Ammas taanaan akka Waaqni waan ati kadhattu cufa sii kennu nan beeka."

<sup>23</sup>Yesuus, "obboleessi kee du'aa ni ka'a" jedheen.

<sup>24</sup>Martaanis deebiftee, "akka inni du'aa ka'iisa guyyaa dhumaan sanatti ka'u ani beeka" jetteen.

<sup>25</sup>Yesuus immoo akkana jedheen; "du'aa ka'iisnii fi jireenyi ana; namni natti amanu yoo du'ellee ni jiraata. <sup>26</sup>Kan jiraatuu fi kan natti amanu kamiyyuu matumaa<sup>k</sup> hin du'u; kana ni amantaa ree?

<sup>27</sup>Isiinis, "eeyee! Yaa Gooftaa, akka ati Ilma Waaqaa, masilhicha<sup>l</sup> gara biyya lafaa dhufu sana taate nan amana" jetteen.

<sup>28</sup>Ishiinis erga waan kana dubbattee booddee<sup>m</sup> dhaxxee obboleettii ishii Maariyaamin ofitti waamtee, "Barsiisaan dhufeera; si waamas" jetteen. <sup>29</sup>Maariyaamis yommuu kana dhageessetti aritiin kaatee gara isaa dhaxxe. <sup>30</sup>Yesuus yeroo sana bakka Maartaani itti isa simatte ture malee ammallee ganda sana hin seenne. <sup>31</sup>Yihuudonni Maariyaamin jajjabeessaa mana keessa ishii bira turanis yommuu akka ishiin akkas ariittidhaan kaatee gadi baate arganitti waan ishiin achitti boowuuf jettee gara awwaala sanaa dhaxxu

<sup>j</sup>15 ykn dhugeeffattaniif; <sup>k</sup>26 ykn akkanalleed jedhee; <sup>l</sup>27 ykn Kiristoos;

<sup>m</sup>28 ykn duubatti

se'anii ishii hordofan.

<sup>32</sup>Maariyaamis yommuu bakka Yesuus ture sana geessee isa argitetti, miila isaa irratti lafa dhooftee, "Yaa Gooftaa otoo ati asi jiraattee silaa obboleessi kiyya hin du'u ture" jetteen.

<sup>33</sup>Yesuusis boowuu ishii, Yihuudonni ishii wajjiin dhufanis boowuu isaanii yommuu argetti Hafuura isaatiin akka malee gadde<sup>n</sup>; ni diphates. <sup>34</sup>Innis, "eessa isa keettan? " jedhee isaan gaafate;

Isaanis, "Yaa Gooftaa, koottuu ilaali" jedhaniin.

<sup>35</sup>Yesuusis ni boo'e.

<sup>36</sup>Yihuudonnis, "inni hagam akka isa jaalachaa ture mee ilaala!" jedhan.

<sup>37</sup>Warri kaan garuu, "inni kan ija<sup>o</sup> namicha jaamaa sanaa bane, akka namichi kunis hin duune gochuu hin danda'u turee?" jedhan.

#### Yesuus Alaazaarin Du'aa Kaase

<sup>38</sup>Yesuus Ammas akka malee gaddee gara awwala sanaa dhaqe; Awwalli sunis holqa<sup>p</sup> balballi isaa dhagaadhaan cufame tokko ture. <sup>39</sup>Yesuusis, "dhagaa kana achi irraa fuudhaa!" jedhe.

Maartaan Obboleettiin namicha du'e sanaa garuu, "Yaa Gooftaa, inni eegii awwalamee waan guy- yaa afur tureef yoona foolii hamaa qabaata<sup>q</sup>" jetteen.

<sup>40</sup>Yesuusi ammoo "ati yoo amante akka ulfinna Waaqaa agartu ani

sitti hin himnee?" jedheen.

<sup>41</sup>Kanaaf awwaalicha irraa dhagicha fuudhan; Yesuusis ol ilaalee akkana jedhe; "Yaa Abbaa, waan na dhageetteef sin galatee- ffadha. <sup>42</sup>Akka ati yeroo hunda na dhageettu ani beekeera; garuu akka namoonni asi dhadh- aabatan kunneen akka ati na ergite amananiif ani isaaniif jedhee kana dubbade."

<sup>43</sup>Yesuusis eega waan kana dubbatee booddee, "Alaazaar, ol- bayi!" jedhee sagalee<sup>r</sup> guddaan iyye. <sup>44</sup>Namichi du'e sunis akkuma harki isatii fi miilli isaa huccuu<sup>s</sup> kafanaatiin kafanametti, fuulli isas wayaadhaan akkuma marametti ol-bahe.

Yesuusis, "huccuu kafanaa sana irraa hiikaati gadi isa dhiisaa" jedheen.

#### Yesuusin Ajjeesuudhaaf Kora- chuu isaanii

<sup>45</sup>Kanaaf Yihuudota gara Maariyaami dhufanii waan Yesuus hojjate argan keessaa hedduun isatti amanan. <sup>46</sup>Isaani keessaa tokko tokko garuu Fari- isota bira dhaqanii waan Yesuus hojjate itti himan. <sup>47</sup>Kanaaf luboonni hangafoonni<sup>t</sup> fi Fari- isoni wal-gayii gumii Yihuudotaa

<sup>n</sup>33 ykn laaleffate; <sup>o</sup>37 ykn ila; <sup>p</sup>38 ykn olla/goda; <sup>q</sup>39 ykn in ajaawa; <sup>r</sup>43 ykn qoonqoo/qoonqa; <sup>s</sup>44 ykn Woyaa; <sup>t</sup>47 ykn qaallolee gugurdo

waaman.

Isaanis akkana jedhanii gaafatan; "namichi kun waan milikita baay'ee agarsiisaa jiruuf maal gochuu nuu wayya?"<sup>48</sup> Yoo akkasumatti isa dhiifne namni cufti isatti amana; warri Roomaas dhufanii bakka keennaa fi saba keenna nurraa fudhatu."

<sup>49</sup> Isaani keessaas namichi Qayyaaffaa jedhamu kan bara sana luba ol aanaa ture tokko akkana isaaniin jedhe; "isin waan tokkollee hin beettan;"<sup>50</sup> Sabni guutummaatti dhumu irra namni tokko sabaaf du'uun akka isinii wayyu hin hubattan."

<sup>51</sup> Innis bara sana waan luba ol aanaa tureef, akka Yesuus saba sanaaf du'u raajii<sup>u</sup> dubbachuu isaa ti malee, dubbii kana ofkeessaa fuudhee hin dubbanne.<sup>52</sup> Kunis ijoolee Waaqayyoo kanneen bittinnaa'an bakka tokkotti walitti qabuuf malee saba sana qofaafii miti.<sup>53</sup> Kanaaf isaani gaafasii jalqabanii isa ajjeesuuf korachaa turan.

<sup>54</sup> Kanaafuu Yesuus ifatti bahee Yihuudota jidduu hin dedeebine; Achii ka'ee gara magaalaa<sup>v</sup> Efreemi ishii lafa onaatti<sup>w</sup> dhiyoo jirtu tokkoo dhaqe; barattoota isaa waliinis achi ture.

<sup>55</sup> Faasikaan Yihuudotaa waan dhiyaatee tureef, namoonni hedd-uun otoo faasikaan hin ga'in uf qulqulleessuuf jedhanii baadi-

yaadhaa Yerusaalemitti ol-ba'an.

<sup>56</sup> Isaanis Yesuusin barbaadaa turan; mana qulqullummaa keessas dhaabatanii, "isin maal seetu? Inni gara ayyaana kanaa hin dhufuu laata?" waliin jedhan.<sup>57</sup> Luboonti hangafoonni fi Fariisonni garuu Yesuusin qabuuf jedhanii namni bakka inni jiru beeku yoo jiraate akka isaanitti himuuf ajaja kennan.

### Yesuus Biitaaniyaatti Urgooftuu Dibame

12:1-8 Wbq ⇒ Mat 26:6-13; Mar 14:3-9; Luq 7:37-39

**12** Faasikaa dura guyyaa ja'affaatti Yesuus gara Biitaaniyaa biyya Alaazaar, namichi Yesuus du'aa isa kaase sun jiraachaa turee dhaqe.<sup>2</sup> Achitti Irbataa<sup>x</sup> qopheessaniif; Maartaanis ni tajaajilti<sup>y</sup> turte; Alaazaar garuu warra isa wajjiin irbaatatti dhiyyaatan keessaa tokko ture.<sup>3</sup> Yommus Maariyaam dibata urgaa'a gatiini isaa guddaa kan Naardoos jedhamu tokko gara liitirii wadhakkaa fiddee miila Yesuusi dibde; rifeensa mataa isiitiinis miila isaa haaxxe; manichis urga'a dibata sanaatiin guutame.

<sup>4</sup> Barattoota isaa keessaa tokko inni dabarsee isa kennuuf jiru Yihuudaa Asqorootichi garuu

<sup>51</sup> ykn himana; <sup>54</sup> ykn dira; <sup>w</sup>54 ykn alootti; <sup>x</sup>2 ykn golola halkanii; <sup>y</sup>2 ykn hojjachaa

akkana jedhe; <sup>5</sup>"dibanni ur-gaa'aan kun maaliif diinaara dhibba saditti gurguramee hiyy-eeyyiif hin kennamne?" <sup>6</sup>Akkana jechuun isaa waan hattuu tureef malee, hiyyeeyyiif gaddeetii<sup>z</sup> miti. Innis sababii Korojoon maallaqaa<sup>a</sup> harka isaa tureef, waan achi keessa buufamu ofii isaatii fud-hachaa ture.

<sup>7</sup>Yesuusis deebisee akkana jedhe; "dibata kana guyyaa aw-wala kiyyatiif haa turositutii ishii hin tuqinaa. <sup>8</sup>Hiyyeeyyiin yeroo mara isin bira jiru; ana garuu yeroo mara na hin argattan."

<sup>9</sup>Yihuudonni baay'een akka Yesuus achi jiru beekanii dhufan; dhufaatiin isaaniis Yesuusin qofa otoo hin ta'in, Alaazaar isa inni du'aa kaases ilaaluuf ture. <sup>10</sup>Kanaaf luboонни hangafoonni<sup>b</sup> Alaazaarin ajjeesuuf mariyatan. <sup>11</sup>Yihuudota keessaa namoonni baay'een sababii isaatiif dhaqanii Yesuusitti amanaa<sup>c</sup> turaniitii.

### Yesuus Ulfonnaan Yerusaalem Seenuu Isaa

12:12-15 Kwf ⇒ Mat 21:4-9; Mar 11:7-10; Luq 19:35-38

<sup>12</sup>Guyyaa itti aanutti namoonni ayyaanichaaf dhufanii turan baay'een akka Yesuus gara Yeru-saalemi dhufaa jiru dhagayan. <sup>13</sup>Isaanis damee meexxii harkatti qabataniisa simachuu bahan; sagalee<sup>d</sup> guddaanis akkana jedhan:

"Hoosaanaa!"<sup>e</sup>

" kan maqaa Gooftaatiin dhufu eebbifamaa dha!

"Mootiin Israa'eli eebbifamaa dha."

<sup>14</sup>Yesuus ilmoof harree tokko argee yaabbate; kunis akkuma akkana jedhamee barreffamee dha;

<sup>15</sup>"Yaa Intala Xiyooni, hin so-daatin; kunoo, mootiin kee, ilmo harree yaabbatee dhufuutti jira."

<sup>16</sup>Barattoonni isaa jalqabatti waan kana cufa hin hubanne; erga Yesuus ulfinna argatee duubatti garuu akka wonni bar-reeffamee kun waayee isaa ta'ee fi akka isaanis waanuma kana isaaf godhan qaabatan.

<sup>17</sup>Namoonni yommuu inni Alaazaarin awwaala keessa waamee du'aa kaasetti isa waliin turanis waan argan sana odees-saa turan. <sup>18</sup>Sababiin namoonni baay'eniisa simachuu ba'aniifis waan milikkita<sup>g</sup> kana gochuu isaa dhaga'aniif. <sup>19</sup>Kanaaf Fari-isonti, "Isin akka waa tokkollee isa gochuu hin dandeenne argitanii? kunoo, biyyi lafaa hundum-tuu isa faana bu'eera!" waliin jedhan.

<sup>f</sup>6 ykn laaleffateetii; <sup>g</sup>6 ykn subba beessee;

<sup>b</sup>10 ykn qaalloleeni gugurdooni; <sup>c</sup>11 ykn dhugeeffachaa;

<sup>d</sup>13 ykn qoonqa/qoonqoo;

<sup>e</sup>13 ykn afaan ibraayisxiitiin "fayyisaa,

"jedhuudha; kunis jecha galataati;

<sup>f</sup>14 ykn bukura/buukurruu; <sup>g</sup>18 ykn milikkeeta /malkata

**Yesuus Duraan Dursee Waayee  
Du'a Isaa Dubbate**

<sup>20</sup>Warra Yeroo ayyaanichaatti sagaduudhaaf ol-ba'an keessaa tokko tokko Giriikota turan.

<sup>21</sup>Isaanis Filiphooz nama biyya Galilaatii Beetsayidaa dhufe sana bira dhaqanii, "Yaa Gootaa, Yesuusin arguu barbaanna" jedhanin. <sup>22</sup>Filiphosis dhaqee Indiriyasitti hime; Indiriyaspii fi Filiphooz immoo dhaqanii Yesuusitti himan.

<sup>23</sup>Yesuusis akkana jedhee deebise; "sa'aatiin Ilmi namaa itti ulfinna argatu gaheera. <sup>24</sup>Ani dhuguman isiniti hima; firiini qamadii<sup>h</sup> tokko yoo lafa buutee du'uu baatte kophaa ishii hafti; yoo duute garuu firii baay'ee naqatti. <sup>25</sup>Namni lubbuu isaa mararfatu kamiyyuu lubbuu isaa ni dhaba; kan biyya lafaa kana irratti lubbuu isaa jibbu kamiyyuu garuu jirenya barabaraatiif lubbuu isaa keewwata. <sup>26</sup>Namni na tajaajiluu barbaadu kamiyyuu na faana haa bu'u; bakka<sup>i</sup> ani jiru tajaajilaan kiyyas ni jiraata; Abbaan kiyya nama na tajaajiluuf ulfinna ni kenna.

<sup>27</sup>"Ammas lubbuun tiyya dhi-phatteerti; egaa ani maal jedhu ree? 'Yaa Abbaa, sa'aatii kana jalaa na baasi' jedhuu? akkasii miti; sababiini ani gara sa'aatii kanaa dhufef kanuma. <sup>28</sup>Yaa Abbaa, maqaa kee ulfeessi!"

Kana booddee qoonqii, "ani isa ulfeesseera; ammas nan ulfeessa"

<sup>jedhu</sup> tokko samii irraa dhufe.

<sup>29</sup>Namoonni achi dhadhaabachaa turan yommuu qoonqa kana dha-gayanitti, "nimandi'e<sup>j</sup>" jedhan. Kaan immooo, "Maleekkaa Waaqaattu isatti dubbate" jedhan.

<sup>30</sup>Yesuus akkana jedhee deebise; "qoonqi kun isiniif jedhee dhufe malee anaaf jedhee mitti.

<sup>31</sup>Yeroon itti addunyaa kanatti muramu amma; bulchaan addunyaa kanaas amma gadi gatama. <sup>32</sup>Ani garuu yeroo lafa irraa ol-fudhamutti nama cufa ofitti nan harkisa." <sup>33</sup>Innis akka du'a akkamii du'u agarsiisuuf kana jedhe.

<sup>34</sup>Namoonnis deebisanii, "akka masiihiin<sup>k</sup> barabaraan jiraatu nu seera irraa dhageennera; yoos ati akkamitti Ilmi Namaa ol-fudhamuu qaba jechuu dandessa ree? Ilmi namaa kunis eenyu? "jedhaniin.

<sup>35</sup>Yesuus ammoo akkana jedheen; "ifni yeroo gabaabaaf isin bira jira; akka dukkanni isin hin liqimsineef otoo ifa qabdanuu deddeebi'aa; namni dukkana keessa deemu eessa akka dhaqu hin beekuutii. <sup>36</sup>Ijoolee ifaa akka taataniif otoo ifa qabdanuu ifa sanatti amanaa." Yesuusis

<sup>h24</sup> ykn gumaani dargaayee; <sup>i26</sup> ykn fulaa; <sup>j29</sup> ykn nikakawwise; <sup>k34</sup> ykn Kiristoos; <sup>l37</sup> ykn ila; <sup>m37</sup> ykn hujii mamaa/baasa

eega waan kana dubbatee fixee booddee bakka sanaa ka'ee isaan duraa dhokate.

**Yihuudonni Ittuma Fufanii Amanuu Diduu Isaanii**

<sup>37</sup>Otuma Yesuus ija<sup>l</sup> isaanii duratti dinqii<sup>m</sup> hedduu hujattuu, isaan ammas isatti amanuu didan. <sup>38</sup>Kunis dubbiin Isaayyaas raagichaa<sup>n</sup> kan,

"Yaa Gooftaa, ergaa keenya eenyuttu amane?

Irreen Gooftaa eenyuttu muldhate?" jedhu sun akka raaw-watamuuf ture.

<sup>39</sup>Kanaaf isaan isatti amanuu hin dandeeny'e; Isaayyaas ammas bakka biraatti<sup>o</sup>akkana jedheeraatii;

<sup>40</sup>"Ija isaaniitiin akka hin argineef, qalpii isaaniitiin akka hin hubanneef,

akka ani isaan fayyisuufis akka gara kiyyatti hin deebineef,

Inni ija isaanii jaamseeraatii; garaa isaaniis jabeesseera."

<sup>41</sup>Isaayyaas sababii ulfinna Kiristooni argee waayee isaas dubbateef kana jedhe. <sup>42</sup>Ta'us warra aangoo<sup>p</sup> qaban keessaallee namoonni baay'een isatti amanan; garuu waan mana sagadaatii nu baasu jedhanii Fariisota sodaataniiif isatti amanuu isaanii ifatti hin baafne. <sup>43</sup>Isaan ulfinna Waaqa irraa dhufu caalaa ulfinna nama irraa dhufu jaalataniiruutii.

<sup>44</sup>Yesuusis sagalee isaa ol-

fudhatee akkana jedhe; "Namni natti amanu isa na erge sanatti amana malee natti amanaa miti.

<sup>45</sup>Kan na argus isa na erge sana arga. <sup>46</sup>Akka namni natti amanu martinuu dukkana keessa hin jiraanneef ani ifa ta'ee gara biyya lafaa dhufeera.

<sup>47</sup>"Namni kamiyyuu yoo dubbii kiyya dhagayee eeguu baate kan isatti muru anaa miti; Ani biyya lafaa fayyisuuf dhufe malee itti muruuf hin dhufneetii. <sup>48</sup>Namni na didu kan dubbii kiyyas hin fudhanne Abbaa murtii tokko qaba; dubbiin ani dubbadhe sun guyyaa dhumaatti isatti mura.

<sup>49</sup>Abbaa na erge sanattu akka ani maal dubbaadhuufi akka ani akkam dubbadhu na ajaje malee ani ufii kiyyaan hin dubbanne.

<sup>50</sup>Akka ajajni isaa jirenya barabaraa ta'e ani beeka; kanaaf wonni ani dubbadhu hundinuu waanuma akka ani dubbadhuuf abbaani natti himee dha.

**Yesuus Miila Barattoota Isaa Dhiqe**

**13** Yerooni sun ayyaana faasikaatiin dura ture; Yesuusis akka biyya lafaa kana keessaa gara Abbaa dhaquuf sa'aatiin isaa ga'e ni beeke; innis warra kan isaa ta'an kanneen biyya lafaa keessa turan ni jaalate;

<sup>38</sup> ykn *raajichaa*; <sup>39</sup> ykn *dhibiitti*; <sup>42</sup> ykn *guuddinna*

hangaa dhumaattis isaan jaalate.

<sup>2</sup>Yesuusiifi barattoonni isaa irbaata<sup>4</sup> nyaachaa turan; Daabiloosis akka inni Yesuusin dabarsee kennuuf ilma Simooni, jechuunis Yihuuda Asqorooticha duraan dursee kakaasee ture. <sup>3</sup>Yesuusis akka Abbaan waan hunda harka isaatti kenne, akka Waaqa biraat dhufee fi akka gara waaqaatti deebi'us beeka ture. <sup>4</sup>Kanaaf irbaata irraa ka'ee, wayaa isaa kan irraan uffate of irraa fuudhee lafa kaa'e; fooxaas mudhiitti' hidhate. <sup>5</sup>Eegasii bishaan gabateeeti<sup>5</sup> naqatee miila barattoota isaa dhiquu, fooxaa mudhiitti hidhate sanaanis haaquu jalqabe.

"Innis gara Simoon Pheexiroosi dhufe; Pheexiroosis, "Yaa Gooftaa, sittuu miila koo naa dhiqaa?" jedheen.

<sup>7</sup>Yesuus ammoo deebisee, "waan ani hojjachaa jiru ati amma hin beettu; booddee<sup>6</sup> garuu ni hubatta" jedheen.

<sup>8</sup>Pheexiroosis, "hint'a'u; ati matumaa<sup>7</sup> miila koo naa hin dhixxu" jedheen.

Yesuusis deebisee, "Yoo ani sii dhiquu baadhe ati na biraat qoodaa hin qabdu" jedheen.

<sup>9</sup>Simoon Pheexiroosis deebisee, "Yaa Gooftaa, yoos harka kiyya fi mataa kiyyas malee miila kiyya qofa hinta'in" jedheen.

<sup>10</sup>Yesuusis, "namni nafa isaa dhiqate tokko miila isaa qofa

dhiqachuu isa barbaachisa; nafni isaa guutuun qulqulluudha. Yoo hunda keessan ta'u baatellee isin qulqulluudha" jedheen. <sup>11</sup>Innis nama dabarsee isa kennuuf jiru beeka tureetii; sababiin inni, "qulqulluun hunda keessanii miti" jedheefis kanumaa.

<sup>12</sup>Innis erga miila isaanii dhiqee booddee, uffata isaa uffatee bakka<sup>8</sup> isaatti deebi'ee taa'e; akkanas jedheen; "isin waan ani isiniif godhe hubattuu? <sup>13</sup>Isin, 'Barsiisaa', 'Gooftas' naan jettu; anis waan isuma isin jettan ta'eef kun dhuguma. <sup>14</sup>Yoos erga ani Gooftaa fi Barsiisaan keessan miila keessan isinii dhiqee isinis akkasuma miila walii dhiquu qabdu. <sup>15</sup>Akkuma ani isinii godhe kana isinis akka gootaniif ani fakkeenyia isinii kenneera. <sup>16</sup>Ani dhuguma isinitti hima; tajaajilaan<sup>w</sup> tokko gooftaa isaa hin caalu; yookaan ergamaan tokko kan isa erge hin caalu. <sup>17</sup>Eegaa yoo waan kana beettan, yoo raawwatanis<sup>x</sup> isin eebbfamoo dha.

#### Yesuus Akka Dabarfamee Kennamu Duraan Dursee Dubbachuu Isaa

<sup>18</sup>"Ani waayee cufa keessanii dubbachaa hin jiru; ani warra filadhe beeka; kun garuu dubbiini <sup>42</sup> ykn golola halkanii; <sup>44</sup> ykn hidhaanatti; <sup>5</sup> ykn qoritti; <sup>7</sup> ykn egerii; <sup>8</sup> ykn akkanallee jettee; <sup>12</sup> ykn fulaa; <sup>16</sup> ykn hojjataani; <sup>17</sup> ykn guuttan

kitaabaa kan, 'inni buddeena kiyya kan nyaate koomee<sup>y</sup> isaa natti ol-fudhate' jedhu sun akka raawwatamuuf.

<sup>19</sup>"Isin yommuu inni raawwamatutti akka ani isa ta'e akka amantaniif<sup>x</sup> otoo inni hin raawwatamin amma isinitti nan hima. <sup>20</sup>Ani dhuguma isinitti hima; kan nama ani ergu simatu na simata; kan na simatus isa na erge simata."

<sup>21</sup>Yesuusis eega kana dubbatee booddee hafuuraan jeeqamee<sup>a</sup> "ani dhuguman isinitti hima; isin keessaa tokko dabarsee na kenna" jedhe.

<sup>22</sup>Barattoonis akka inni waayee eennuu dubbate waan hin beekiniif wal-ilaalan. <sup>23</sup>Barattoota keessas inni Yesuus isa jaalatu tokko Yesuusitti maxxanee taa'a ture. <sup>24</sup>Simoon Pheexiroosis, "Mee eennuu jechuu isaa akka ta'e isa gaafadhu!" jedhee nyaaraan barataa sanatti hime.

<sup>25</sup>Innis qoma Yesuusiitti hirkatee, "Yaa Gooftaa, ennu innii? "jedhee gaafate.

<sup>26</sup>Yesuusis deebisee, "namichi ani buddeena kutee ittoo<sup>b</sup> cuuphee kennuuf isa" jedhe; innis buddeena afaan keewwata tokkoo kutee ittoo cuuphee ilma Simoon Asqorootichaa, Yihuudaaf kenne. <sup>27</sup>Yihuudaas akuma inni buddeenicha fudhateen Sheexanni itti gale.

Yesuusis," waan gochuuf jirtu

dafii godhi" isaan jedhe. <sup>28</sup>Warra maaddiitti dhiyaatan sana kees-saas namni tokkolleen waan Yesuus akkas isaan jedheef hin hubanne. <sup>29</sup>Sababii Yihuudaani korojoo maallaqaa<sup>c</sup> baachaa tureefis isaan keessaa namoomni tokko tokko waan Yesuus, "waan ayyanaaf nu barbaachisu biti" jedheen, yookiin akka inni hiyy-eeyyiif waa kennuuf waa isatti hime se'an. <sup>30</sup>Yihuudaanis akkuma buddeena sana fudhateen gadi baye; yerooni sunis halkani ture.

**Yesuus Akka Pheexiroos Isa  
Ganu Duraan Dursee dubbate**  
*13:37; 38 Kwf ⇒ Mat 26:33-35; Mar 14:29-31 Luq 22:33; 34*

<sup>31</sup>Erga inni gadi ba'ee booddee Yesuusakkana jedhe; "amma Ilmi Namaa ulfaateera; Waaqay-yos isaan ulfaateera.<sup>32</sup>Waaqayyo erga isaan ulfaatee, inni ofuma isaatiin isa ulfeessa; yeruma sanas isa ulfeessa.

<sup>33</sup>"Yaa ijoolle, ani yeroo gabaabaaf isin wajjiin jira; isin na barbaaddu; ani akkuma Yi-huudotaan, 'bakka ani dhaqu isin dhufuu hin dandeessan' jedhe sana ammas isiniin nan jedha.

<sup>34</sup>Akka isin wal-jaalattaniif ani ajaja<sup>d</sup> haaraya isiniif kenna; akkuma ani isin jaaladhetti isinis akkasuma wal-jaaladhaa. <sup>35</sup>Yoo

<sup>y18</sup> ykn hirba; <sup>z19</sup> ykn dhugeeffattaniif;

<sup>a21</sup> ykn laalaffatee; <sup>b26</sup> ykn koosara /waxii;

<sup>c29</sup> ykn subba beessee; <sup>d34</sup> ykn seera

isin wal-Jaalattan namoonni martiinuu akka isin barattoota kiytaatan wal-jaalachuu keessaniin beeku.

<sup>36</sup>Simoon Pheexiroosis, "Yaa Gooftaa, eessa dhaxxa?" jedhee isa gaafate.

Yesuusis, "ati amma bakka ani dhaqu na faana deemuu hin daneettu; booddee garuu na hor-doftha" jedhee deebiseef.

<sup>37</sup>Pheexiroosis, "Yaa Gooftaa, ani maaliif amma si faana deemuu hin daneeny? Ani sii jedhee lubbuu kiyyallee nankenna" jedheen.

<sup>38</sup>Yesuusis deebisee, "ati dhuguma naaf jettee lubbuu kee ni kennitaa? Ani dhuguman sitti hima; otoo kormi lukkuu<sup>e</sup> hin iyyin ati yeroo sadii na ganta<sup>f</sup>" jedheen.

#### Yesuus Barattoota Isaa Jajjabeesuu Isaa

**14** "Garaani keessan hin raaf-amin; Waaqatti amanaa<sup>g</sup>; nattis amanaa. <sup>2</sup>Mana Abbaa kiyyaa keessa bakka<sup>h</sup> jireennaa baay'eetu jira; otooakkana ta'uu baatee isinitti nan himature; ani bakka isinii qophees-suuf achi dhaqaatii. <sup>3</sup>Anis eegii dhaqee bakka isinii qopheessee booddee<sup>i</sup>, akka isinis bakka ani jiru jiraattaniif deebi'ee dhufee ofitti isin fudhadha. <sup>4</sup>Isinis karaabakka ani dhaqutti geessu beettu."

#### Yesuus Karaa Gara Abbaatti Geessu Ta'u Isaa

<sup>5</sup>Toomaasis, "Yaa Gooftaa, ati eessa akka dhaxxu nu hin beennu; yoos akkamitti karaa sana bee-kuu dandeeny ree?" jedheen.

<sup>6</sup>Yesuusis akkana jedhee deebiseef; "karaa fi dhugaani, jireennis anuma; yoo anaan ta'e malee eennuyyuu gara Abbaa hin dhufu. <sup>7</sup>Otoo na beettanii silaa Abbaa kiyyas akkasuma ni beettu turtan; ammaa jalqabdaniis isa beettu; isas argitaniirtu."

<sup>8</sup>Filiphoosis, "Yaa Gooftaa, Abbaa nutti agarsiisi<sup>j</sup>; kumis nu gaha" jedheen.

<sup>9</sup>Yesuusis akkana isaan jedhe; "yaa Filiphoo, ani yeroo dheeraa akkanaa isin waliin jiraadhee, ati ammaliee na hin beennee? Nammi na arge Abbaas argeera; yoos ati akkamitti, 'Abbaa nutti agarsiis' jechuu dandeessa ree? <sup>10</sup>Akka ani Abbaa keessa jiru, Abbaanis akka na keessa jiru ati hin amantu? Ani dubbii isintti dubbadhu kana ofuma kiyyaan hin dubbadhu; garuu Abbaani inni na keessa jiraatu hujii isaa ni hojjata. <sup>11</sup>Akka ani Abbaa keessa jiru, Abbaanis akka na keessa jiru na amanaa; yookaan sababii hujii dinqii<sup>k</sup> sanaatiif jedhaatii na

<sup>e</sup> 38 ykn handaaqqoo/indaanqoo; <sup>f</sup>38 ykn na mormatta; <sup>g</sup>1ykn dhugeeffadhaa; <sup>h</sup>2 ykn fulaa; <sup>i</sup>3 ykn diubatti; <sup>j</sup>8 ykn nu agar-siisi; <sup>k</sup>11 ykn baasaa/ajaa'ibaa/mamaa

amanaa.<sup>12</sup> Ani Dhuguman isinitti hima; namni natti amanu hujii ani hojjadhu ni hojjata; ani waan gara Abbaa dhaquuf kan natti amanu waan kana caaluyuu ni hojjata.<sup>13</sup> Akka Abbaan ilma isaatiin ulfinna argatuuf ani waan isin maqaa kiyyaan kadhattan cufa nan raawwadha<sup>1</sup>.  
<sup>14</sup> Yoo isin waanuma fedheyyuu maqaa kiyyaan kadhattan ani nan raawwadha.

### Yesuus Akka Hafuura Qulquluu Erguu Abdachiisuu Isaa

<sup>15</sup>"Isin yoo na jaalattan ajaja kiyya ni eeddu;<sup>16</sup> Ani Abbaa nan kadhadha; innis akka inni barabaraan isin bira jiraatuuf jajja-beessaa dhibii<sup>m</sup> isinii kenna.

<sup>17</sup>Jajjabeessaan kunis Hafuura<sup>n</sup> dhugaa ti; addunyaan waan isa hin argineef yookiin waan isa hin beenneef isa fudhachuu hin danda'u; isin garuu waan inni isin bira jiraatuuf, isin keessas waan jiruuf isa ni beettu.<sup>18</sup> Ani akka ijoollee haadhaa fi abbaa hin qabneetti isin hin dhiisu; gara keessan nan dhufa.<sup>19</sup> Yeroo gabaabduu booddee addunyaan deebi'ee na hin argu; isin garuu na argitu; sababii ani jiraadhuuf isinis ni jiraattu.<sup>20</sup> Akka ani Abbaa kiyya keessa jiru, akka isin na keessa jirtan akka anis isin keessa jiru guyyaa sana ni beettu.  
<sup>21</sup>Namni ajaja kiyya uf-biraa qabu,

isas kan eegu, inni nama na jaalatuu dha; nama na jaalatu Abbaan kiyya ni jaalata; anis isa nanjaaladha; isattis uf nan muldhisa."

<sup>22</sup>Yihuuddaa Asqorooticha otoo hin ta'in Yihuudaani kaan, "Yaa Gooftaa, ati maaliif addunyaatti otoo hin ta'in nutti uf muldhisu barbaadda?" jedheen.

<sup>23</sup>Yesuus akkana jedhee dee-biseef; "namni kamiyuu yoo na jaalate dubbi kiyya ni eega; Abbaani kiyya isa ni jaalata; nus gara isaa ni dhufna; isa waliinis nijiraanna.<sup>24</sup> Namni na hin jaalanne dubbi kiyya hin eegu; dubbiin isin dhageessan kunis kan Abbaa na erge sanaa ti malee kiyyaa miti.

<sup>25</sup>"Ani otuma isin wajjiin jiruu waan kana hunda isinitti himeera.

<sup>26</sup>Jajjabeessaan sun jechuunis Hafuurri qulqulluuni<sup>o</sup> Abbaan maqaa kiyyaan ergu sun garuu waan cufa isin barsiisa; waan ani isinitti hime maras isin yaada-chiisa<sup>p</sup>.<sup>27</sup> Ani nagaya isin biratti nan hambisa; nagaya kiyyas isiniif nan kenna; ani akka addunyaan kennutti isiniif hin kennu; garaan keessan hin raafamin; hin sodaatinis.

<sup>28</sup>"Isin akka ani, 'ani nan deema; deebi'ees gara keessan

<sup>13</sup>ykn intolcha; <sup>m</sup>16 ykn biraa; <sup>n</sup>17 ykn ayyaana; <sup>o</sup>26 ykn Ayyaanni Woyyuun; <sup>p</sup>26 ykn qaabsisa

nan dhufa' jedhe dhageettaniirtu; otoo na jaalattanii silaa gara Abbaa dhaquu kiyyaati ni gammaddu turtan; Abbaani na caalaatii. <sup>29</sup>Yommuu wanni kuntuutti akka isin amantaniif otoo inni hin ta'in ani amma duraan dursee isinitti himeera. <sup>30</sup>Waan bulchaan addunyaa kanaa dhufuuf, ani ammaan achi isin waliin baay'ee hin dubbadhu; innis narratti aangoo<sup>9</sup> hin qabu; <sup>31</sup>Garuu akka ani Abbaa jaaladhu addunyaani akka beekuuf, ani akkuma Abbaan na ajajetti nan raaw-wadha .

"Ka'aa asii ni deemnaa.

#### Muka Wayiniitii Fi Dameewwan Isaa

**15** "Ani muka wayinii dhu-gaati; kan dhaabes Abbaa kiyya. <sup>2</sup>Inni damee kiyya kan firii<sup>r</sup> hin naqanne cufa muree gata; damee firii gaarii naqatu ammoo akka caalaatti naqatuuf irraa qora<sup>s</sup>. <sup>3</sup>Isinis dubbi<sup>t</sup> ani isinitti dubbadheen ammayyuu qulqulloftaniirtu. <sup>4</sup>Na keessa jiraadhaa; anis isin keessan nan jiraadhaa; akkuma dameen tokko yoo muka wayiniitti jiraattu malee ofuma isiitiin firii naqachuu hindandeeny, isinis yoo na keessa jiraattan malee firii naqachuu hindandeettan.

<sup>5</sup>"Ani muka wayinii ti; isini immoo dameewwan. Namni tokko

yoo na keessa jiraate, anis yoo isa keessa jiraadhe inni firii baay'ee naqata; isin narraa gar-gari baatanii womaa gochuu hin dandeettaniitii. <sup>6</sup>Namni na keessa hin jiraanne kamiyyuu akka damee gadi gatamee gogu tokkooti. Dameewwan akkanaa walitti qabamanii ibiddatti naqamu; ni gubamus. <sup>7</sup>Isin yoo na keessa jiraattan, dubbiin kiyyas yoo isin keessa jiraate, waanuma feetan kadhadhaa; innis isiniif ni kennama. <sup>8</sup>Isin firii baay'ee naqachuudhaan akka barattoota kiyya taatan yoo mirkaneestitan, kanaan Abbaani kiyya ulfinna argata.

<sup>9</sup>"Akkuma Abbaan na jaalatetti anis akkasuma isin jaaladheera; jaalala kiyya keessa jiraadha.

<sup>10</sup>Akkuma ani ajaja<sup>t</sup> Abbaa kiyyaa eegee jaalala isaa keessa jiraadhu, isinis yoo ajaja kiyya eeddan jaalala kiyya keessa ni jiraattu. <sup>11</sup>Akka gammachuun kiyya isin keessa jiraatuu fi gammachuun keessanis akka guutuu ta'uuf ani waan kana isinitti himeera. <sup>12</sup>Ajajni kiyya isa kana; akkuma ani isin jaaladhetti isinis wal-jaaladhaa. <sup>13</sup>Eenyulleen jaalala guddaa namni tokko lub-buu isaa dabarsee michoota<sup>u</sup> isaatifi kenu sana irra caalu hin qabu. <sup>14</sup>Waan ani isin ajaje yoo

<sup>9</sup>30 ykn jabeenna; <sup>r</sup>2 ykn midhaani; <sup>s</sup>2 ykn kuta; <sup>t</sup>10 ykn seera; <sup>u</sup>13 ykn jaallan

raawwattan<sup>v</sup> isin jaallan kiyya.  
<sup>15</sup>Garbichi waan gooftaan isaa hojjatu waan hin beenneef ani ammaan achi garboota isiniin hin jedhu; qooda kanaa ani mi-choota isiniin jedheera; Ani waan Abbaa kiyya irraa dhagaye hundumaa isin beessiseeraatii. <sup>16</sup>Isinis akka dhaxxanii firii naqattaaniif, firii keessanis akka jiraatuuf nattu isin filatee isin muude malee isin na hin filanne; kunis akka Abbaan waan isin maqaa kiyyaan kadhattan mara isinii kennuuf. <sup>17</sup>Ajajni kiyya isa kana: wal -jaaladhaa.

### Biyyi Lafaa Barattoota Jibbuu Isaa

<sup>18</sup>"Biyyi lafaa yoo isin jibbe, otoo isin hin jibbin dura akka na jibbe beekaa. <sup>19</sup>Isin otoo kan biyya lafaa taatanii, biyyi lafaa akka kan mataa isaatti isin jaalata ture; amma garuu waan ani biyya lafaa keessaa isin filadheef isin kan biyya lafaatii miti; biyyi lafaas kanumaaf isin jibba. <sup>20</sup>Dubbii ani, 'garbichi gooftaa isaa hin caalu' isiniin jedhe sana yaadadhaa<sup>w</sup>. Isaan erga na gaar-galchanii<sup>x</sup>, isinis akkasuma gaar-galchu; dubbii kiyyas erga eeganii keessanis akkasuma ni eegu. <sup>21</sup>Isaan sababii isa na erge sana hin beenneef, maqaa kiyyaaf jedhanii waan kana cufa isin irratti raawwatu. <sup>22</sup>Otoo ani dhufee isaanitti himuu baadhee silaa cubbuu isaanitti

hin ta'u ture; amma garuu cubbuu isaaniitiif sababii dhiyeeffatan hin qaban. <sup>23</sup>Namni na jibbu Abbaa kiyyas akkasuma ni jibba. <sup>24</sup>Otoo ani hujii namni biraay tokkoyyuu hin hojjatin jidduu isaaniitti hojjachuu baadhee silaa cubbuu isaanitti hin ta'u ture; Amma garuu otuma waan ani hojjadhe arganuu anas Abbaa kiyyas jibbaniiru. <sup>25</sup>Kunis akka dubbiin seera isaanii keessatti, 'isaan sababii malee na jibban' jedhamee barreeffame sun raawwatomuuuf ta'e.

<sup>26</sup>"Garuu jajjabeessaan ani Abbaa biraa isinii ergu, jechuunis Hafuurri<sup>z</sup> Dhugaa inni Abbaa keessaa ba'u sun yommuu dhufutti waayee kiyya ni dhugeessa<sup>a</sup>. <sup>27</sup>Isinis jalqabaa kaaftanii waan na waliin turtaniif ni dhugeessitu.

**16** "Ani akka isin hin gufan-neef jedhee kana hundumaa isinitti himeera. <sup>2</sup>Isaani mana sagadaa keessaa isin ariyu; Dhugumaan yeroon itti namni isin ajjeesu kamiyyuu akka waan Waaqa tajaajiluutti<sup>b</sup> yaadu tokko ni dhufa. <sup>3</sup>Isaanis waan Abbaa yookiin na hin beekiniif kana godhu. <sup>4</sup>Isinis Waayee isaanii isinitti himuu kiyya yommuu yeroon sun gawutti akka qaabattaniif<sup>c</sup>

<sup>v</sup>14 ykn guuttan; <sup>w</sup>20 ykn gaabadhaa;  
<sup>x</sup>20 ykn ariyatanii/baqachiisanii; <sup>y</sup>24  
 ykn dhibiini; <sup>z</sup>26 ykn ayyaanni; <sup>a</sup>26 ykn  
 ni rageessa/ dhugaa ba'a, <sup>b</sup>2 ykn  
 Waaqaa hojjatuutti; <sup>c</sup>4 ykn yaadattaniif

ani waan kana isinitti dubbadheera. Ani waan isin wajjiin tuureef jalqabatti kana isinitti hin himne.

### Hujii Hafuura Qulqulluu

<sup>5</sup>"Amma garuu ani gara isa na ergee nan dhaqa; ta'us isin keesaa namni, 'atti eessa dhaxxa?' jedhee na gaafatu tokkolleeni hin jiru. <sup>6</sup>Garuu waan ani kana isinitti himeef akka malee gadditaniirtu<sup>d</sup>. <sup>7</sup>Ani garuu dhuguman isinitti hima; deemuun kiyya bu'aa isiniif qaba; yoo ani deeme malee jajjabeessaan sun gara keessan hin dhufu; ani yoo deeme garuu isa isiniif nan erga. <sup>8</sup>Innis yommuu dhufutti uumata addunyaa waayee cubbuu, waayee qajeelummaatii fi waayee murtii hubachiisa<sup>e</sup>. <sup>9</sup>Wonni inni waayee cubbuu hubachiisuuf sababii namoonni natti hin amanneef; <sup>10</sup>Wonni inni waayee qajeelummaa hubachiisuuf sababii ani gara Abbaa dhaquutii fi sababii isinis kana booddee na hin argineef. <sup>11</sup>Wonni inni waayee murtii hubachiisuufis sababii bulchaa addunyaa kanaatti murameef.

<sup>12</sup>"Ani ammallee waan isinitti himu baay'ee qaba; isin garuu amma baachuu hin dandeettan. <sup>13</sup>Hafuurri dhugaa sun yommuu dhufutti gara dhugaa maraatti isin geessa; inni waan dhagawu qofa dubbata malee ufuma isaatiin

hin dubbatu; waan dhufuuf jirus isinitti hima. <sup>14</sup>Inni waanuma kiyya fuudhee waan isinitti himuuf ulfinna naa kenna. <sup>15</sup>Wonni Abbaan qabu hundinuu kiyyuma; Inni waanuma kiyya fuudhee isinitti hima jechuun kiyyas kanaaf.

<sup>16</sup>"Isin yeroo gabaabaaf na hin argitan; yeroo gabaabaan duubatti ammoo na argitu."

### Gaddi Barattootaa Gamma-chuutti Ni jijiirama

<sup>17</sup>Barattoota isaa keessaas tokko tokko, " 'isin yeroo gabaabaaf na hin argitan; Yeroo gabaabaan duubatti ammoo na argitu,' akkanumas 'ani waan gara Abbaa dhaquuf jechuun isaa maal jechuu isaat?' waliin jedhan. <sup>18</sup>Isaanis, " 'yeroo gabaabaa' jechuun isaa maal jechuu isaa tii? Maal jechuu isaa akka ta'e nu hin beennu" jedhan.

<sup>19</sup>Yesusis akka isaan isa gaafachuu barbaadan beekee akkana jedheen; "wonni ani, 'isin yeroo gabaabaaf na hin argitan; yeroo gabaabaan duubatti ammoo na argitu' jedhe sun maal jechuu kiyya akka ta'e wal-gaafachaa jirtuu? <sup>20</sup>Ani dhuguman isinitti hima; isin ni boottu; ni wawaattus<sup>g</sup>. Biyyi lafaa garuu ni gammada. Isin ni gadditu; gaddi

<sup>d</sup>6 ykn laaleffattaniirtu; <sup>e</sup>8 ykn ajiifata/coqosa; <sup>f</sup>9 ykn hin dhugeeffanneef; <sup>g</sup>20 ykn ni aaddus

keessan garuu gammachuutti ni jijiirama. <sup>21</sup>Dubartiin tokko yommuu ciniinsifattu, waan yeroon isii ga'eef ni cinqamti; eega daa'ima deessee booddee garuu waan addunyaa irratti namni dhalateef, isiinis waan gammadduuf cinqama sana hin yaadattu. <sup>22</sup>Isiniifis akkasuma yeroon kun yeroo gaddaa ti; ani garuu deebi'ee isin ilaala, isinis ni gammaddu. Gammachuu keessanis eennuuyyu isin irraa hin fudhatu. <sup>23</sup>Guyyaan sana isin womaa na hin kadhattan; ani dhuguman isinitti hima; isin yoo waanuma feetan maqaa kiyyaan Abbaa kadhattan inni isinii kenna. <sup>24</sup>Isin hanga ammaatti maqaa kiyyaan womaa hin kadhanne; gammachuun keessan akka guutuu ta'uuf kadhadhaa, ni argattus.

<sup>25</sup>"Ani waan kana fakkeenyaan isinitti himeera; garuu yeroon ani deebi'ee fakkeenyaan isinitti hin dubbanne tokko ni dhufa; yommus ani waayee Abbaa kiyyaa ifatti baasee isinitti hima. <sup>26</sup>Isin guyyaan sana maqaa kiyyaan ni kadhattu; anis qooda keessan Abbaa nan kadhadha jechuu miti. <sup>27</sup>Isin waan na jaalattaniif, Abbaa biraa ba'ee dhufuu kiyyas waan amantaniif Abbaan mataan isaa isin jaalata. <sup>28</sup>Ani Abbaa biraa bahee gara biyya lafaa dhufeera; ammas biyya lafaa

dhiisee gara Abbaa nan dhaqa."

<sup>29</sup>Barattooniisaasakkana jedhan; "kunoo, ati ammayyuu fakkeennaan otoo hin ta'in ifatti baaftee dubbachaa jirta! <sup>30</sup>Akka ati waan cufa beettuufi akka namni tokkolleen gaafii si gaafachuu hin barbaachifne nu amma hubanneerra. Kunis akka ati Waaqa biraaduhfte nu amansiisa."

<sup>31</sup>Yesuusis deebisee akkana jedheen; "isin amma dhuguma amantaniirtuu? <sup>32</sup>Yeroon isin itti kophaatti na dhiiftanii gara mana keessaniitti bittinnooftan tokko ni dhufa; ammumayyuu dhufeera. garuu Abbaan kiyya waan na waliin jiruuf ani kophaa kiyyaa miti.

<sup>33</sup>Akka isin na keessa jiraach-uudhaan nagaya qabaattaniif ani kana isinitti himeera; biyya lafaa kana irratti rakkinni isin argata; garuu jabaadhaa! ani biyya lafaa Moo'adheeraatii."

### Yesuus Ufiif Kadhachuu Isaa

**17** Yesuus erga waan kana dubbatee booddee<sup>h</sup> gara samii ol -ilaalee akkana jedhee kadhate;

"Yaa Abbaa, sa'aatiin sun gayeera; akka Ilmi kee ulfinna sii kennuuf, atis Ilma keetii ulfinna kenni. <sup>2</sup>Inni warra ati

<sup>h</sup>1 ykn duubatti

isatti kennite maraaf akka jirenya barabaraa kennuuf, nama Mara irratti aangoo<sup>i</sup> isaaf kenniteertaatii. <sup>3</sup>Jireenyi barabaraas isa kana; innis si Waaqa dhugaa tok-kichaa fi Yesuus Kiristoos isa ati ergite sana beekuu dha. <sup>4</sup>Ani huji ati akka ani hojjadhuuf natti kennite sana raawwachuundhaan<sup>j</sup> biyya lafaa irratti ulfinna sii kenneera. <sup>5</sup>Yaa Abbaa, amma immoo ati ulfinna ani otoo addunyaan hin uumaminiin dura si biratti qabaadhe sanaan of biratti na ulfeessi.

#### **Yesuus Barattoota Isaatiif Kadhabchuu Isaa**

<sup>6</sup>"Ani warra ati addunyaa keessaa natti kennitetti maqaa kee beessiseera. Isaan kankee turan; ati natti isaan kennite; isaanis dubbi kee eeganiiru. <sup>7</sup>Isaanis akka wonni ati natti kennite hundumtuu si biraah dhupe amma ni beeku. <sup>8</sup>Ani dubbi ati naa kennite isaanii kenneeraatii; isaanis fudhataniiru. Akka ani si biraah dhufes dhugumaan beekaniiru; akka ati na ergites amananiiru<sup>k</sup>. <sup>9</sup>Ani isaaniif nan kadhadha; warri ati naa kennite waan kankee ta'aniif isaaniif kadhadha malee biyya lafaatiif hin

kadhadhu. <sup>10</sup>Wonni ani qabu cuftinuu kee ti; wonni ati qabdu cuftinuu kiyya; anis kanaan ulfinna nan argadha. <sup>11</sup>Ani kana booddee biyya lafaa irra hin jiraadhu; isaan garuu biyya lafaa irra jiru; ani gara kee nan dhufa. Yaa Abbaa Qulqullu<sup>l</sup>, akkuma nu tokko taane sana isaanis akka tokko ta'aniif maqaa kee isa naa kennite sanaanisaan eegi. <sup>12</sup>Ani yeroo isaan waliin turetti, maqaa kee isa ati naa kennite sanaanisaan eegeera. Isaan tisseeras. Akka dubbiin Kitaabaa raawwata-muufis ilma badii sana malee isaan keessaa namni tokkolleen hin banne.

<sup>13</sup>"Amma garuu ani gara kee nan dhufa; gammachuun koos akka isaan keessatti guutuu ta'uuf, ani otuma addunyaa irra jiruu kana dubbadha. <sup>14</sup>Ani dubbi kee isaaniif kenneera; akkuma ani kan addunyaa hin ta'in, isaanis waan kan addunyaa hin ta'iniif, addunyaaan isaan jibbeera. <sup>15</sup>Ani akka ati isa hamaa sana isaan irraa eedduuf malee akka ati addunyaa keessaa isaan baaftuuf si hin kadhadhu. <sup>16</sup>Akkuma ani kan

<sup>i</sup>2 ykn guddinna; <sup>j</sup>4 ykn hojjachuun;  
<sup>k</sup>8 ykn ya dhugeeffatani; <sup>l</sup>11 ykn wayyuu

addunyaa hin ta'in isaanis akkasuma kan addunyaatti miti.<sup>17</sup>Dhugaan isaan qulquelleessi dubbiin kee dhugaa dha. <sup>18</sup>Akkuma ati gara addunyaatti na ergite sana anis gara addunyaatti isaan ergeera. <sup>19</sup>Akka isaan dhugaadhaan qulqullaa'aniif, ani isaaniif jedhee uf qulquelleessa.

#### **Yesuus Amantoota Maraaf Kadhachuu Isaa**

<sup>20</sup>"Ani warra dubbii isaaniiitiin natti amananiifis malee isaan kana qofaaf hin kadhadhu. <sup>21</sup>Kunis yaa Abbaa, akkuma ati na keessa jirtu, anis si keessa jiru sana, akka hundumti isaanii tokko ta'aniif; akka ati na ergite addunyaan akka amanuuf isaanis nu keessa haa jiraatanii. <sup>22</sup>Akkuma nu tokko taane isaanis akka tokko ta'aniif, ulfinna ati naaf kennite sana anis isaaniif kenneera; <sup>23</sup>Kunis akka isaan guutummaatti tokko ta'aniif ani isaan keessa, atis na keessa jiraachuun akka ati na ergitee fi akkuma na jaalattetti akka isaanis jaalatte, akka addunyaan beekuuf.

<sup>24</sup>"Yaa Abbaa, akka warri ati naa kennite kunniiin bakka<sup>m</sup> ani jiru na waliin jiraatanii fi akka isaan

ulfinna kiyya kan ati otoo addunyaan hin uumaminiin dura waan na jaalateef jettee naa kennite arganis nan barbaada.

<sup>25</sup>"Yaa Abbaa, Yaa Qajee-laa, addunyaan si hin beeku; ani garuu si beeka; isaan kunis akka ati na ergite ni beeku. <sup>26</sup>Jaalalli ati ittiin na jaalatte isaan keessa akka jiraatuuf, anis isaan keessa akka jiraadhuuf ani akka maqaan kee isaan biratti beekamu godheera; akka beekamus nan godha.

#### **Yesuus Qabamuu Isaa**

*18:3-11 Kwf ⇒ Mat 26:47-56; Mar 14:43-50; Luq 22:47-53*

**18** Yesuus erga kadhannaa kana raawwatee booddee<sup>n</sup> ka'ee barattoota isaa waliin sulu<sup>o</sup> Qeedirooni gama bakka<sup>p</sup> ashaakiltiin ture tokkotti ce'e<sup>q</sup>; innis, barattoonni isaas achi keessa seenan.

<sup>2</sup>Yesuus yeroo baay'ee waan barattoota isaa wajjiin achitti wal-argaa tureef, Yihuudaan dabarsee Yesuusin kenu sun bakka sana beeka ture. <sup>3</sup>Kanaaf Yihuudaan tuuta loltootaa, akka-sumas qondaaltota luboota han-gafootaa<sup>r</sup> fi Fariisota biraa ergaman fudhatee bakka ashaakiltii

<sup>m</sup>24 ykn fulaa; <sup>n</sup>1 ykn fixateen duubatti; <sup>o</sup>1 ykn bowwaa; <sup>p</sup>1 ykn fulaa; <sup>m</sup>1 ykn taakken; <sup>r</sup>3 ykn qaalloolee gugurdoofi

sana dhufe; isaanis: guca<sup>s</sup>, faanosii<sup>t</sup> fi mi'a lolaa qabatanii turan.

<sup>4</sup>Yesuusis waan isa irra ga'uuf jiru mara beennaan gadi ba'ee, "isin eennun barbaaddu?" jedhee isaan gaafate.

<sup>5</sup>Isaanis deebisanii, "Yesuusin, namicha Naazireeti" jedhan.

Yesuus ammoo, "inni anuma" jedhe. Yihuudaan inni dabarsee isa kenu sunis jara waliin achi dhaabatee ture. <sup>6</sup>Yommuu Yesuus, "inni anuma" isaaniin jedhetti dudda duubatti hiiqanii kukkufan<sup>u</sup>.

<sup>7</sup>Ammas, "isin eennun barbaaddu?" jedhee isaan gaafate.

Isaanis, "Yesuusin, namicha Naazireeti" jedhan.'

<sup>8</sup>Yesuusis deebisee; "ani, 'inni anuma' isiniin jedheera; Kanaaf, isin erga na barbaaddanii namoota kanneen dhiisaa haa deemanii!" jedhe. <sup>9</sup>Kunis akka dubbiin inni, "ani warra ati naa kennite keessaa tokkollee hin ganne" jedhee dubbate sun raawwatamuuf ta'e.

<sup>10</sup>Simoon Pheexiroosis waan goraadee qabatee tureef, goraadee isaa luqqifatee garbicha luba ol aanaa dhayee gurra isaa kan mirgaa irraa kute; maqaan garbicha sanaas Maalkoos ture.

<sup>11</sup>Yesuusis Pheexiroosiin, "goraadee kee man'eesaatti" deebisi; ani xuwwaa<sup>w</sup> Abbaan naa qopheesse hin dhuguu?" jedheen.

### Yesuus Gara Haannaa Geeffamuu Isaa

18:12, 13 Kwf ⇒ Mat 26:57

<sup>12</sup>Tuunni loltootaatii fi ajajaan kumaa qondaaltonni Yihuudotaas Yesuusin qabanii hidhan. <sup>13</sup>Isaanis duraan dursanii Haannaatti isa geessan; Haannaan abbaa niitii<sup>x</sup> Qayyaaffaa ture; Qayyaaffaan immoo bara sana luba olaanaa ture. <sup>14</sup>Qayyaaffaan isa akka namni tokko uumataaf du'uun wayyu Yihuudota gorse sana.

### Pheexiroos Yeroo Jalqabaatiif Yesuusin Ganuu Isaa

18:16-18 Kwf ⇒ Mat 26:69; 70; Mar 14:66-68; Luq 22:55-57

<sup>15</sup>Simoon Pheexiroosii fi barataan dhibiin<sup>y</sup> Yesuus faana bu'an; barataan sunis waan luba ol aanaa biratti beekkamaa tureef, Yesuus waliin dallaa mana luba ol aanaa ol seene. <sup>16</sup>Pheexiroos garuu balbala dura ala<sup>z</sup> dhabachaa ture. Barataan luba ol aanaa biratti beekkamaa ture sunis gadi bayee intala balbala eedutti himee Pheexiroosin ol seensise.

<sup>17</sup>Intalli balbala eeddu sunis Pheexiroosiin, "atis barattoota namicha kanaa keessaa tokkoo mitii?" jette.

<sup>s</sup>3 ykn uchuma/muka ibiddaa; <sup>t</sup>3 ykn ibsa; <sup>u</sup>6 ykn jijigan; <sup>v</sup>11 ykn qalqala /mana; <sup>w</sup>11 ykn buduunuu; <sup>x</sup>13 ykn soddaa/abbiyyuu/jaarsa soddaa; <sup>y</sup>15 ykn bira; <sup>z</sup>16 ykn diida

Innis immoo deebisee, "lakki, anaa miti" jedhe.

<sup>18</sup>Yeroon isaa waan dhaamocha tureef garboonni fi qondaaltonni ibidda cilee qabsiifatanii dhadhaabatanii qaqqammachaa<sup>a</sup> turan; Pheexiroosis isaan waliin dhaabatee qaqqammachaa ture.

#### Gaafii Lubichi ol aanaan Yesuusiif Dhiyeesse

18:19-24 Kwf ⇒ Mat 26:59-68; Mar 14:55-65; Luq 22:63-71

<sup>19</sup>Yommus lubni ol aanaan Yesuusin waayee barattoota isatii fi waayee barsiisa isaa gaafate.

<sup>20</sup>Yesuusis akkana jedhee deebiseef; "ani ifatti baasee addunyaatti dubbadheera; bakka Yihuudonni cufti itti walitti qabamanitti, manneen sagadaatii fi mana qulqullummaa keessattis ani yeroo cufa barsiisaa ture; ani waan tokkollee dhossaatti hin dubbanne. <sup>21</sup>Ati maaliif na gaafatta? Warra waan ani isaaniin jedhe dhagayan gaafadhu; isaan waan ani jedhe beeku."

<sup>22</sup>Yommuu Yesuus kana jedhetti qondaaltota achi dhadhabachaa turan keessaa tokko, "luba ol aanaaf akkana deebiftaa?" jedhee isa dhabanaase<sup>b</sup>.

<sup>23</sup>Yesuusis deebisee, "yoo ani waan hamaa dubbadhee jiraadhe, waan hamaa sana dhugaa ba'i<sup>c</sup>; yoo ani waan qajeelaa dubbadhee jiraadhe garuu ati maaliif na

dhoofta?" jedhe. <sup>24</sup>Haannaanis Yesuusin akkuma inni hidhamee jirutti gara luba ol aanaa, gara Qayyaaffaatti isa erge.

#### Pheexiroos Yeroo Lammaffaa Fi Sadaffaa Yesuusin Ganuu Isaa

18:25-27 Kwf ⇒ Mat 26:71-75; Mar 14:69-72; Luq 22:58-62

<sup>25</sup>Simoon Pheexiroos otoo dhaabatee ibidda qaqqammachaa jiruu, "atis barattoota namicha kanaa keessaa tokkoo mitii?" jedhaniin.

Inni ammoo, "lakki, anaa mitii" jedhee gane<sup>d</sup>.

<sup>26</sup>Garboota luba ol aanaa keessaas firri namicha isa Pheexiroos gurra isaa irraa kute sanaa tokko, "ani bakka ashakiltiitti isa wajjiin si hin agarree?" jedhee gaafate. <sup>27</sup>Pheexiroos ammas ni gane; yoosumas kormi lukkuu iyee.

#### Yesuus Fuula Philaaxoosi Duratti Dhiyeeffamuu Isaa

18:29-40 Kwf ⇒ Mat 27:11-18, 20-23; Mar 15:2-15; Luq 23:2; 3, 18-25

<sup>28</sup>Yihuudonnis Yesuusin mana Qayyaaffaati fiudhanii mana mootummaa bulchaa warra Roomaatti geessan; yeroon isaaS ganama barii ture; Yihuudonnis akka hin xuroomneef jedhaniii mana mootummaa ol hin seenne. Kunis akka faasikaa nyaachuu

<sup>a</sup>18 ykn oo'ifata'aa; <sup>b</sup>22 ykn kabale; <sup>c</sup>23 ykn dhugeessi/rageessi; <sup>d</sup>25 ykn mormate

danda'aniif. <sup>29</sup>Kanaaf Philaaxoos gara isaaniitti gadi ba'ee, "himanni isin namicha kana irratti dhiy-eessitan maali?" jedhee gaafate.

<sup>30</sup>Isaanis, "otoo namichi kun yakka hojjachuu baatee nu silaa isa dabarsinee sitti hin kenninatu" jedhanii deebisaniif.

<sup>31</sup>Philaaxoosis, "isin ufuma keessanii isa fudhaatii akka seera keessaniitti itti muraa" jedheen.

Yihuudonnis, "nama tokkollee ajjeesuun nuuf hin eeyyamamu" jedhaniin. <sup>32</sup>Kunis wonni Yesuus akka du'a akkamiitiin du'u argisiisuuf jedhee dubbate sun akka raawwatamuuf ta'e.

<sup>33</sup>Philaaxoosis deebi'ee mana mootummaa seene; Yesuusin isfitti waamee, "mootiin Yihuudotaa si'ii?" jedhee isa gaafate.

<sup>34</sup>Yesuusis, "Kuni yaaduma keeti moo yookaan namoota biraatu waayee kiyya sitti hime?" jedhee gaafate.

<sup>35</sup>Philaaxoosis deebisee, "nattu Yihuudiidhaa ree? kan dabarsee natti si kenne sabuma keetii fi luboota hangafoota; garuu ati maal balleessitee ti?" jedheen.

<sup>36</sup>Yesuusis "Mootummaan kiyya kan addunyaa kanaatii miti; otoo kan addunyaa kanaa ta'ee, akka ani dabarfamee Yihuudotati hin kennamneef tajaajiltooni<sup>e</sup> kiyya naa lolu turan; amma garuu mootummaan kiyya kan addunyaa kanaatii miti" jedhe.

<sup>37</sup>Philaaxoosis; "yoos ati mootiidha kaa!" jedheen.

Yesuus ammoo, "akka ani mootii ta'e dubbachuun kee sirrii dha; ani dhugaaf rageessuuf jedhee dhaladhe; wonni ani gara addunyaa dhufefis kanuma; namni dhugaaf dhaabatu martinuu qoonqa<sup>f</sup> kiyya dhagaya" jedhee deebise.

<sup>38</sup>Philaaxoosis; "dhugaan maal innii?" jedheen. Innis eegii kana dubbatee booddee ammas Yihuudotati gadi bayeeakkana jedheen; "Ani balleessaa tokkollee isa irratti hin arganne. <sup>39</sup>Garuu isin akka ani yeroo Faasi-kaatti nama tokko mana hidhaatii gadi isinii dhiisu amala godhataniirtu; kanaaf akka ani, 'Mootii Yihuudotaa gadi isinii dhiisu barbaadduu'?"

<sup>40</sup>Isaan ammaliee iyyaanii, "lakki, Barbaan malee isaa miti" jedhan. Barbaanis saamtuu ture.

#### Fannifamuun Yesuusitti Murame

19:1-16 Kwf ⇒ Mat 27:27-31; Mar 15:16-20

**19** Philaaxoosis Yesuusin isfitti fuudhee garafsiise. <sup>2</sup>Lottoonis gonfoo<sup>g</sup> qoraattii miciiranii dha'anii mataa isaa irra kaayan. Isaanis wayyaa dhiilgee<sup>h</sup> isatti uffisanii; <sup>3</sup>"Akkam ree, yaa

<sup>e</sup>36 ykn hojattooni; <sup>f</sup>37 ykn sagalee / qoonqoo; <sup>g</sup>2 ykn surree ruufaa; <sup>h</sup>2 ykn diimtuu

Mootii Yihuudotaa" jechaa gara  
isaatti dedeebi'aa turan; isas ni  
kabalan<sup>i</sup>.

<sup>4</sup>Philaaxoos ammas gadi ba'ee,  
Yihuudotaan, "akka ani ballees-  
saa tokkollee isa irratti hin ar-  
gatin akka beettaniif kunoo ani  
isa gad isinii baasa" jedhe.  
<sup>5</sup>Yesusis gonfoo qoraattii keew-  
watee, wayyaa dhiilgees uffatee  
gadi ba'ee; Philaaxoosis, "namichi  
kunoo ti!" isaaniin jedhe.

"Luboонни hangafoonni<sup>j</sup> fi  
qondaaltonni yommuu isa ar-  
ganitti, "isa fannisaa! isa fanni-  
saa!" jedhanii iyyan.

Philaaxoos ammoo deebisee,  
"isin ufuma keessanii fuudhaatii  
isa fannisaa malee ani balleessa  
tokkollee isa irratti hin arganne"  
jedheen.

<sup>7</sup>Yihuudonis deebisanii, "nu  
seera qabna; namichi kun waan  
Ilma Waaqaa of-godheef akka  
seera keennaatti du'uu qaba"  
jedhan.

<sup>8</sup>Philaaxoosis, "yommuu dubbii  
kana dhaga'etti ittuma caalchisee  
sodaate. <sup>9</sup>Innis mana mootum-  
maatti ol deebi'ee, "ati eessaa  
dhufte?" jedhee Yesusin gaafate.  
Yesus garuu deebii tokkollee  
hin kennineef. <sup>10</sup>Philaaxoosis,  
"maaliif na jalaa didda? Akka  
ani gadi si dhiisuuf yookaan si  
fannisuuf aangoo<sup>k</sup> qabu ati hin  
beettuu?" jedheen.

<sup>11</sup>Yesusis, "ati otoo olii sii

kennamuu baatee aangoo tokkol-  
lee narratti hin qabdu ture; kanaaf  
inni dabarsee sitti na kenne sun  
caalaatti cubbuu qaba" jedhee  
deebiseef.

<sup>12</sup>Philaaxoosis yeroo sanaa  
jalqabee Yesusin gadi dhiisu  
barbaada ture; Yihuudonni ga-  
ruu, "ati yoo namicha kana gadi  
dhiifte michuu<sup>l</sup> Qeesaariittii miti;  
namni mootii of godhu cufti inni  
Qeesaariin morma" jedhanii iyyan.

<sup>13</sup>Philaaxoosis yommuu dubbii  
kana dhaga'etti Yesusin gadi  
baasee, bakka<sup>m</sup> "dhagaa buu-  
famaa" kan afaan Ibraayisxiitti  
"gabataa" jedhamutti barcumaa  
murtii irra taa'e. <sup>14</sup>Guyyaan sunis  
guyyaa qophii torban faasikaa ture;  
yeroon isaas gara sa'atii ja'affaa  
ture.

Philaaxoosis Yihuudotaan,  
"mootii keessan kunoo ti!" jedhe.

<sup>15</sup>Iсаан garuu, "balleessi! balleessi!  
isa fannisi!" jedhanii iyyan.

Philaaxoos ammoo, "mootii  
keessan fannisu moo?" jedhee  
gaafate.

Luboонни hangafoonnis, "nu  
Qeesaar malee mootii dhibii<sup>n</sup> hin  
qabnu" jedhanii deebisanii.

<sup>16</sup>Kanaaf Philaaxoos akka inni  
fannifamuuf dabarsee isaanitti  
isa kenne.

<sup>i</sup>3 ykn dhabanaasan <sup>j</sup>6 ykn qaalloolee  
gugurdoofi; <sup>k</sup>10 ykn jabeenna; <sup>l</sup>12 ykn  
jaala; <sup>m</sup>13 ykn fulaa; <sup>n</sup>15 ykn biraaj

**Yesuus Fannifamuu Isaa**

*19:17-24 Kwf ⇒ Mat 27:33-44; Mar 15:22-32; Luq 23:33-43*

Isaanis Yesuusin fuudhanii deeman. <sup>17</sup>Innis fannoo ofii isaa baadhathee bakka "buqqee mataa" kan afaan Ibraayixiitiin "Golgootaa" jedhamutti ol-bahe. <sup>18</sup>Isaanis achitti isa fannisan; isa waliinis namoota gara biraa lama, tokko karaa mirgaatiin, tokko karaa bitaatin, Yesuusin immoo jidduu isaaniitti fannisan.

<sup>19</sup>Philaaxoosis beessisa, "Yesuus nama Naazireeti, Mootii Yihuudotaa" jedhu tokko barreesse fannoo sanatti maxxanse. <sup>20</sup>Bakki Yesuus itti fannifame waan magalaatti<sup>o</sup> dhiyoo tureef Yihuudonni hedduun beessisa sana dubbisaniiru; beessismi sunis afaan Ibraayixiitiin, Laatiini fi Girikiitiin barreeffamee ture. <sup>21</sup>Luboонни hangafoonnis Philaaxoosiin, "namichi kun, 'ani mootii Yihuudotaa ti jedheera' jedhii barreessi malee, 'inni Mootii Yihuudotaa ti' jettee hin barreessin" jedhaani.

<sup>22</sup>Philaaxoosis, "ani waan barreesse, barreesseera" jedhee dee-bise.

<sup>23</sup>Loltoonni sunis erga Yesuusin fannisanii booddee wayaa isaa fuudhanii akka tokko tokko Isaan ga'utti bakka afuritti hirmaatan; kittaa<sup>p</sup> isaas akkasuma godhan. Kitaaan sunis hin hodhamne; olii hanga gadiittis dha'aa tokko ture.

<sup>24</sup>Kanaaf isaan, "koottaa hin tarasaafnuu; garuu hixaa buufanne akka inni kan eenyuu ta'u ilaallaa" waliin jedhan.

Kunis dubbiin Kitaabaa kan, "isaan wayaa kiyya hirmaatan; uffata kiyyattis hixaa buufatan" jedhu sun akka raawwata-muuf<sup>q</sup> ta'e.

Wonni loltoonni godhanis kanuma.

<sup>25</sup>Fannoo Yesuusi biras haati isaa, obboleettiin haadha isaa, Maariyaam niitiin Qiliyophaatii fi Maariyaam ishiin Magdalaa dhadhaabachaa turan. <sup>26</sup>Yesuusis yommuu haadha isaatii fi barataa inni jaalatu sana otoo inni ishii cina dhaabatuu argetti haadha isatiin, "yaa dubartiinana<sup>r</sup>; kunoo, ilma kee" jedhe. <sup>27</sup>Barataa sanaani, "kunoo haadha tee" jedhe; barataan sunis yeroo sanaa jalqabee gara mana isatti ishii geesse.

**Du'a Yesuusi**

*19:29,30 Kwf ⇒ Mat 27:48,50; Mar 15:36,37; Luq 23:36*

<sup>28</sup>Kana booddee Yesuus akka wonni hundinuu raawwate bee-kee akka dubbiin Kitaabaa raaw-watamuuf, "nan dheebodhe" jedhe.

<sup>29</sup>Qodaan daadhii wayinii dhangaggaawaadhaan<sup>s</sup> guutame tokkos achi dhaabamee ture; isaanis daadhii sana keessa ispoonjiit<sup>t</sup>

<sup>o</sup>20 ykn diratti; <sup>p</sup>23 ykn ubbaara; <sup>q</sup>24 ykn guutamuuf; <sup>r</sup>26 ykn uwvitii tana; <sup>s</sup>29 ykn hadhaawaan; <sup>t</sup>29 ykn bututtuu laaftuu

cuuphanii damee hiiisophiitti  
kaa'anii afaan isaatti qaban.  
<sup>30</sup>Yesuusis eegii dhugaati dhan-  
gaggaawaa sana fudhatee bood-  
dee, "raawwateera" jedhe; mataa  
buusees lubbuu isaa kenne.

<sup>31</sup>Guyyaan sun guyyaa qophii  
ture; guyyaan itti aanus guyyaa  
Sanbata addaa ture; Kanaaf akka  
reeffi isaanii fannoo irra hin  
oolle gochuuf jedhanii akka miilli  
isaanii cabsamee fannoo irraa  
gadi buufamuuf Yihuudonni  
Philaaxoosin kadhatan. <sup>32</sup>Kanaaf  
loltoonni dhaqanii miila namicha  
jalqabaa, miila namicha isa waj-  
jiin fannifame kaaniis cabsan.

<sup>33</sup>Yommuu gara Yesuusi dhu-  
fanitti garuu inni du'e waan ar-  
ganiif miila isaa hin cabsine.

<sup>34</sup>Loltoota sana keessaa inni  
tokko garuu eboodhaan cinaacha  
isaa waraane; yeruma sana dhiignii  
fi bisaan baye. <sup>35</sup>Namni waan  
kana arges rageesseera<sup>u</sup> ragaan  
isaas dhugaa dha; innis akka  
dhugaa dubbatu ni beeka; Inni  
akka isinis amantaniif<sup>v</sup> rageessa.  
<sup>36</sup>Kunis akka wonni kitaabni,  
"lafee isaa keessaa tokkolleen  
hin cabsamu" jedhe sun raaw-  
watamuuf ta'e. <sup>37</sup>Kana malees  
kitaabni gara biraan, "isaanis isa

waraanan sana ni ilaalu" jedha.

### Awwaalamuu Yesuusi

19:38-42 Kwf ⇒ Mat 27:57-61; Mar  
15:42-47; Luq 23:50-56

<sup>38</sup>Kana booddees Yooseef namni  
Armaatiyya kan sababii Yihu-  
dota sodaateef dhossaan barataa  
Yesuusi ture sun reeffa Yesuusi  
fudhachuuf Philaaxoosin kadhat;  
Philaaxosis isaaf eeyyamnaan  
dhaqee fudhate. <sup>39</sup>Niqoodimoos  
inni duraan halkaniin gara Ye-  
suusi dhufee tures wal-maka  
qumbiiti fi argeessa gara kiiloo  
giraamii soddomii afuri ulfaatu  
qabatee dhufe. <sup>40</sup>Isaanis reeffa  
Yesuusi fuudhanii akka aadaa  
awwaala Yihuudotaatti urgoftuu  
waliin huccuu<sup>w</sup> quncee talbaa  
irraa hojjatameen kafanan. <sup>41</sup>Bakka  
Yesuus itti fannifames lafa ash-  
akiltii tokkottu ture; lafa ash-  
akiltii sana keessas bakka aw-  
waalaa haaraya kan namni tok-  
kolleen duraan itti hin awwaala-  
min tokkottu ture. <sup>42</sup>Sababii guy-  
yaan sun guyyaa qophii Yihu-  
dotaal tureef; bakki awwaalaa  
sunis waan dhiyoo tureef Ye-  
suusin achi kaayan.

<sup>u</sup>35 ykn dhugeesse/dhugaa-ba'e; <sup>v</sup>35 ykn  
dhugeeffattaniif; <sup>w</sup>40 ykn woyaa

**19:31 Akka miilli isaanii cabsamu** - Miila yakkamootaa burrusa guddaadhaan cab-  
suun gosa adabbii hamaa ture. Walumaa galatti miila qofatu cabsama ture.  
Yeroo tokko tokko garuu harkis ni cabsama ture. Adabbiin kun yommuu nama  
fannifamaa jiru irratti raawwamatutti mataa isatiin gosa adabbii garaa jabeen-  
naati. Garuu dhiphinii du'a fannoo kan lubbuun daftee keessaa hin baane sun  
waan yeroo gabaabaa keessatti raawwatuuf akka gocha araaraatti ilaalamu.

**Awwaala Duwwaa**

20:1-8 Kwf ⇒ Mat 28:1-8; Mar 16:1-8;  
Luq 24:1-10

**20** Guyyaa jalqaba torban sanaa ganama barii otuma dukkanaa'ee jiruu, Maariyaam ishiin Magdalaa bakka<sup>x</sup> awwaalaah dhaxxee akka dhagaan awwaalaah sana irraa fuudhame argite. <sup>2</sup>Ishiinis fiigaa gara Simoon Pheexiroosiitii fi gara barataa dhibii<sup>y</sup> Yesuuus isa jaalate sanaa dhaxxee, "Gooftaa awwaalaah keessa fudhataniiru; eessa akka isa kaa'anis hin beennu" jetteen.

<sup>3</sup>Kanaaf Pheexiroosii fi barataan inni kaan ba'anii gara awwaalichaah dhaqan. <sup>4</sup>Lachan isaaniyyuu ni fiigu turan; barataan inni kaan garuu Pheexiroos bira dabree fiiguudhaan dursee bakka awwaalaah sana ga'e. <sup>5</sup>Innis gugguufee ilaalee huccuu\* quncee talbaa irraa hojjatame lafatti arge malee awwaalicha keessa hin seenne. <sup>6</sup>Simoon Pheexiroos immoo isa duubaan dhufee awwaalicha keessa seene; huccuu quncee talbaa irraa hojjatame sanas lafatti arge. <sup>7</sup>Akkanumas huccuu mataa Yesuusiitti maramee ture arge; huccuun sunis kophaa isaa dachaafamee bakka biraa ture malee huccuu quncee talbaa irraa hojjatame sana bira hin turre. <sup>8</sup>Eegasiis barataan biraa inni jalqabatti awwaalicha bira ga'e sun keessa seene, argees amane<sup>z</sup>.

<sup>9</sup>Isaan waan Kitaabni akka Yesuuus warra du'an keessaa ka'u dubbatu sana ammayuu hin hubanne tureetii.

**Yesuuus Maariyaam ishii Magdalaatti Muldhate**

<sup>10</sup>Barattoonni sunis gara mana isaaniitti deebi'an. <sup>11</sup>Maariyaam garuu alaan awwaalaah bira dhaabattee boo'aa turte; otuma boottuus awwaalicha keessa ilaaluuf gugguufte. <sup>12</sup>Ishiinis maleekkota Waqaqaamaa kanneen uffata adaadii uffatanii bakka reeffi Yesuuus kaa'amme ture sana, inni tokko mataa duraan, inni kaan immoo miila jalaan taa'ani argite.

<sup>13</sup>Isaanis, "dubartiinana, maaliif bootta?" jedhaniin.

Isiini ammoo, "Gooftaa kiyya fudhataniiru; eessa akka isa kaa'anis ani hin beeku" jetteen. <sup>14</sup>Yommuu waan kana dubbattee of-irra garagalttis Yesuusii achi dhaabatu argite; garuu Yesuuus ta'uu isaa hin hubanne.

<sup>15</sup>Yesuusis, "dubartiinana, maaliif bootta? eenyu barbadda?" jedheen.

Ishiin immoo, nama bakka ashaakiltii keessa hojjatu isa seetee, "yaa Gooftaa, ati yoo isa fuutee jiraatte, akka ani dhaquee fudhadhuuf eessa akka isa keettee natti himi "jetteen.

\*1 ykn fulaa; \*2 ykn biraa; \*8 ykn dhugeeffate \*5 ykn woyaa

<sup>16</sup>Yesuusis, "Maariyaam!" jedheen. Ishiin isatti garagaltee afaan Ibraayisxiitiin, "Rabbuunii!" jetteen. Hiikkaan isaas "Yaa Barsiisa" jechuu dha.

<sup>17</sup>Yesuusis, "ani ammallee waan gara Abbaatti ol hin ba'iniif natti hin bu'in; garuu obboleeyyan kiyya bira dhaqitii, 'ani gara Abbaa kiyyaatifi Abbaa keessaniitti, gara Waaqa kiyyatii fi Waaqa keessaniitti ol nan ba'a' jedheera jedhiitii isaanitti himi" jedheen.

<sup>18</sup>Maariyaam ishiin Magdalaas gara barattoota dhaxxee, "ani Gooftaa argeera!" jetteen; waan inni ishiin jedhe hundumaas isaanitti himte.

#### Yesuus Barattoota Isaatti Muldhachuu Isaa

<sup>19</sup>Guyyaa jalqaba torbanichaa sana galgala otoo barattoonni Yihuudota sodaachuun balbala cufatanii walitti qabamanii jiranuu Yesuus dhufee, isaan jidduu dhaabatee, "nageenni isiniif haa ta'uu" jedheen. <sup>20</sup>Innis erga kana jedhee booddee harka isaatii fi cinaacha isaa isaanitti argisiise; Barattoonis yommuu Gooftaa arganitti akka malee gammadan.

<sup>21</sup>Yesuus ammas, "nageenni isiniif haa ta'uu;akkuma Abbaan na erge sana anis isin erga" jedheen. <sup>22</sup>Innis eegii kana jedhee booddee Hafuura isaanitti baafatee akkana jedheen; "Hafuura

Qulqulluu<sup>a</sup> fudhadhaa; <sup>23</sup>Isin yoo namootaaf cubbuu isaanii dhiiftan<sup>b</sup> isaaniif ni dhiifama; yoo isaaniif dhiisuu baattan immoo isaaniif hin dhiifamu."

#### Yesuus Toomaasitti Muldhachuu Isaa

<sup>24</sup>Yeroo Yesuus dhufetti warra kudhanii lamaan keessaa Toomaas inni Didimoos jedhamu tokko barattoota waliin hin turre. <sup>25</sup>Kanaaf barattoonni warri kaan, "nu Gooftaa argineerra!" jedhanii isatti himan.

Inni garuu, "ani bakka mismaaraan waraaname harka isaa irratti argu malee, quba kiyya bakka waraaname sana keessa kaawu malee, harka kiyyas ci-naacha isaa keessa kaawu malee waan kana hin amanu" jedheen.

<sup>26</sup>Guyyaa saddeeti booddee barattoonni isaa ammas manuma sana keessa turan; Toomaasis isaan waliin ture. Otuma bal-balichi cufamee jiruus Yesuus ol galee isaan jidduu dhaabatee, "nageenni isiniif haa ta'uu" jedheen. <sup>27</sup>Innis Toomaasiin, "quba kee asi keessa kaa'i; harka kiyyas iliali. Harka kee diriirfadhuutii cinaacha kiyya keessa kaa'i; amani malee hin mamin" jedhe.

<sup>28</sup>Toomaas ammoo, "Gooftaa kiyya! Waaqa kiyya!" jedhe.

<sup>a</sup>22 ykn Ayyaana Woyyuu; <sup>b</sup>23 ykn haraaramtan

<sup>29</sup>Yesuusis, "ati waan na argiteef amante; garuu warri otoo hin argin amanan eebbfamoo dha" jedheen.

<sup>30</sup>Yesuus barattoota isaa duratti milikkitoota dhibii kanneen Ki-taaba kana keessatti hin barreef-famin hedduu hojjateera. <sup>31</sup>Kun garuu akka Yesuus inni Kiristoos Ilma Waaqayyoo ta'e akka amantaniif, amanuudhaanis akka maqaa isaatiin jirenya qabaat-taniif barreffame.

#### Yesuusii Fi Dinqii Qurxummii Qabiisaa

**21** Kana booddee<sup>e</sup> Yesuus ammas galaana Xibri-yaadoosi biratti barattoota isaatti muldhate; haalli inni ittiin uf muldhises akkana ture; <sup>2</sup>Simoon Pheexiroosi, Toomaas inni Didi-moos jedhamu, Naatinaa'el namichi qaanaa Galilaa, ijooleen Zabdeewoosiitii fi barat-toonni biraa<sup>d</sup> lama wal- bira turan. <sup>3</sup>Simoon Pheexiroosis, "ani qurxum-mii qabuu nan dhaqa" isaaniin jedhe; isaanis, "nus si wajjiin dhaqna" jedhaniin. Gadi ba'anis hoboloo<sup>f</sup> yaabbatan; halkan sana garuu womaa hin qabne.

<sup>4</sup>Akkuma lafti bari'eenis Yesuus qarqara galaanichaa dhaabachaa ture; baratoonni garuu akka inni Yesuus ta'e hin hubanne.

<sup>5</sup>Innis isaan waamee, "ijoolle, qurxummii tokkollee hin qab-

danii?" jedhee gaafate.

Isaan ammoo, "hinqabnu" jedhanii deebisan.

"Innis, "xaxoo<sup>f</sup> keessan karaa mirga hobolootiin gadi darbad-haa; qurxummii ni argattuu" jedheen; isaanis xaxoo sana gadi darbatan; sababii baay'inna qurx-ummiitiifis xaxoo sana harkisuu dadhaban.

<sup>7</sup>Barataan inni Yesuus isa jaalachaa ture sunis, "inni Gooftadha!" jedhee Pheexiroositi hime; Simoon Pheexiroos ammoo yommuu "inni Gooftaa dha" jechuu isaa dhagayetti waan qullaa isaa tureef, wayaa isaa marxfatee bishaanitti gadi utaale. <sup>8</sup>Barat-toonni kaan garuu waan qarqara galaanaa irraa dhundhuma dhibba lamaa caalaa hin fagaatiniif xaxoo qurxummiin keessa guute sana harkisaa hoboloon dhufan. <sup>9</sup>Yom-muu lafa gogaatti ba'anittis ibidda cilee kan qurxummiin irra jiruu fi budeenea achitti argan.

<sup>10</sup>Yesuusis, "mee qurxummii amma qabdani irraa waa fidaa!" isaaniin jedhe.

<sup>11</sup>Simoon Pheexiroosis hoboloo sana yaabbatee xaxoo qurxummii gugurdaa dhibba tokkoo fi shantamii sadiin guutame sana gara lafa gogaatti harkise; xaxoon sunis qurxummii akkas baay'attuun

<sup>c1</sup> ykn duuba; <sup>d2</sup> ykn dhibiin; <sup>e3</sup> ykn bidiruu; <sup>f6</sup> ykn xuruuraa/kiyyoo

guutamullee hin tarsaane.<sup>12</sup>Yesuusis, "koottaa ciree<sup>g</sup> nyaadhaa! "isaaniin jedhe. Barattoota keessaas, namni ija jabaatee<sup>h</sup> ati eenyu?" jedhee isa gaafate tokkoyuu hin turre; isaan akka inni Gooftaa ta'e beekaniiruutii.<sup>13</sup>Yesuusis dhufee buddeena sana fuudhee isaanii kenne; qurxum-michas akkasuma godhe.<sup>14</sup>Egaa Yesuus erga du'aa kaafamee kanaan walitti yeroo sadaffaa barattoota isaatti muldhachuu isaa ti.

#### **Yesuus Pheexiroosin Gaafii Gaafachuu Isaa**

<sup>15</sup>Yesuus erga ciree nyaatanii booddee Simoon Pheexiroosiin, "Yaa Simoon Ilma Yohaannisi, ati warra kana caalaa na jaalattaa?" jedhe.

Innis, "eeyee, yaa Gooftaa; akka ani si jaaladhu atuu ni beetta" jedheen.

Yesuusis, "ilmolee hoolaa<sup>i</sup> kiyyaaf nyaata kennis" jedheen.

<sup>16</sup>Yesuus ammallee, "yaa Simoon ilma Yohaannisi, ati na jaalattaa?" jedhe.

Innis deebisee, "eeyee, yaa Gooftaa, akka ani si jaaladhu atuu ni beetta" jedhe.

Yesuus ammoo, "hoolota<sup>x</sup> kiyya tissi" jedheen.

<sup>17</sup>Yeroo sadaffaasi, "yaa Simoon ilma Yohaannisi, ati na jaalattaa?" jedhe.

Pheexiroosis sababii Yesuus yeroo sadaffaa, "ati na jaalattaa?" jedhee isa gaafateef gaddee<sup>j</sup>, "Yaa Gooftaa; ati waan cufa beetta; akka ani si jaaladhus ni beetta" jedheen.

Yesuusisakkana jedheen; "hoolota kiyyaaf nyaata kennis.<sup>18</sup>Ani dhuguma sitti nan hima; ati yeroo dargaggeessa turtetti, ofuma keetiin mudhii<sup>k</sup> kee hidhattee lafa barbaadde dhaxxa turte; Yeroo dulloomtutti garuu harka kee nidiriirfatta; namni dhibiinis mudhii kee sii hidhee lafa ati hin barbaannetti si geessa.

<sup>19</sup>Yesuusis akka Pheexiroos du'a akkamiitiin Waaqa ulfeessu agarsiisuuf jedhee waan kana dubbate; kana booddees, "na faana bu'i" jedheen.

<sup>20</sup>Pheexiroosis gargalee otoo barataan inni Yesuus isa jaalatu sun isaan faana bu'uu arge; barataan kunis isa yeroo irbaataatti<sup>l</sup> laphee Yesuusiitti maxxanee, "Yaa Gooftaa, inni dabarsee si kenu eennu?" jedhe sanaa dha.

<sup>21</sup>Pheexiroosis yommuu isa argetti,

"yaa Gooftaa, namichi kun hoo?"

jedhee Yesuusin gaafate.

<sup>22</sup>Yesuusis deebisee, "hangani

dhufutti akka inni jiraatu yoo

fedhii kiyya ta'e, maaltu si

<sup>g</sup>12 ykn golola ganamaa; <sup>h</sup>12 ykn garaa jabaatee; <sup>i</sup>15 ykn ooliyyee; <sup>j</sup>17 ykn laaleffate; <sup>k</sup>18 ykn hidhaana; <sup>l</sup>20 ykn golola halkanii

dhibe? Ati na faana bu'i" jedheen. <sup>23</sup>Kanaaf oduun, "barataan kun hin du'u" jedhu obboleeyyan jidduutti odeeffame; Yesuus garuu, "hangaa ani dhufutti akka inni jiraatu yoo fedhii kiyya ta'le maaltu si dhibe?" jedhe malee, "inni hin du'u" hin jenne.

<sup>24</sup>Inni dubbii kana dhugaa ba'u<sup>m</sup>, kan waan kanas barreesse barataadhuma kana; akka dhuga

ba'iisi isaas dhugaa ta'es nu beenna.

<sup>25</sup>Akkasumas Yesuus waan biraa baay'ee hojjateera; otoo tokkoon tokkoon isaanii barreef-famanii jiratanii, ani waan addunyaan mataan ishiilleen kitaabota barreeffaman sanaaf bakka ga'u qabdu hin se'u.

<sup>m</sup>24 ykn *dhugeessu/rageessu*